



清詩初集卷之九

武進蔣 鐘玉淵

錢塘翁介眉武原 選

鄧州彭始奮中郎 武進毛會建子霞

秀水朱彛尊錫鬯 宜興蔣景祁京少 定

七言律

東郊

丁

彭飛濤 仁和

嗟峨宮闕舊華清
遶郭渾河一水橫
樂浪開邊仍置郡
元戎畱守作陪京
山廻陵寢多雲氣
戶給沙田廢火耕
勦業兩朝弓劍在
荆榛風雨灑陽城

入關



天迴紫塞抱神京萬里從戎向此行
玄菟自通滄海郡
盧龍直壓古秦城
弊裘着雨黃沙擁
遠戍逢秋白髮生
但到玉關重入少
寄言征馬莫長鳴

竈市宿闔祕宮宅

王 岱 山長 湘潭

老年道路此頻頻
信宿眠餐累友朋
有僕尚如蕭穎士
無家直似杜陵人
不辭霜鬢蹉跎白
却喜天機爛熳真
開甕剪蔬勤向客
故交重聚愈情親

湯陰遇風

羲馭塵迷白晝昏
茫茫陸海覺傾翻
碧翁何事龍鍾夢
風伯無端野馬奔
大塊豈真成氣噫
青萍直欲撼天關
雲飛壯士歌千古
擊筑重招赤帝魂

登泰山

王 鑰 大愚 孟津

天門忽向杖頭開
萬里扶桑海上來
太古高巖鑄鳥篆
多年老樹起龍雷
青霞堆裏軒轅廟
白玉池邊帝女臺
俯仰乾坤生浩氣
何須東下訪蓬萊

風鳶

姚夢熊 襄周 太倉

并刀裁作羽衣輕
巧奪公輸削木成
任爾飄飄矜勢力
倩人提掣學飛鳴
天高浪試寒微骨
風急偏多翻覆情
體化形銷應有待
一時真贗不須爭

題壁

宗元鼎 定九 江都

濛濛二月養花天
微雨微晴古墅前
梁燕識巢歸舊舍
野人看曆種新田
樹間鳥弄千般語
門外溪添昨夜泉

頗似輞川圖畫裏低枝垂柳釣魚船

二十四橋明月夜

莫向揚州看逝津傷心千古斷腸春當時月亦憐天子
此夕橋還憶美人螢苑只今荒草細鷄臺空見野棠新
誰知破碣欹流水猶博清宵淚溼巾

酬贈吳爾世

涂 酉 子山 建昌

七載飄零旅思牽因君念我倍悽然從知痼疾非關隱
自信無才敢望憐老去一尊依酒伴狂來三峽倒詩篇
露盤正慰相如渴不羨長門買賦錢

清明

史大成 立菴 鄞縣

紫陌香塵二月天爭傳杏酪五侯前薄衣寒食絲絲雨
細草春流處處煙自有飛花承蹴踘誰家高柳過秋千
乘時獨見農夫意為惜東風早種田

燕山述懷

楊大鯤 秋屏 武進

宵懸帟幕幾晨興萬騎浮雲擁掠鷹天子合圍真氣象
儒生駮乘憶趨承揚雄羽獵曾誇勝庾信華林愧未能
八駿雙龍徒極目金輿玉輦淚縱橫

寄懷蔣大馭鹿在遼左 時在鎮國公幕

奉天真龍興地揮灑君應過上林旦奭才華誠冠古
應劉詞賦見于今嶽嶽皂帽煙霞閣匝桃花島嶼淡
知爾高堂頻在念梢魚絲菜漫浮沉

過周安期山中故居

朱鶴齡 愚菴 吳江

霜葉重重合翠微石苔行跡尚依稀身逃谷口名仍在
賦就甘泉世已非書帶漫隨寒燒盡薛帷俄逐水煙飛
白蓮耆舊多凋謝更與何人共釣磯

四月自婺歸至湖上

蔣玉立嘉善亭彥

江流乍轉見南屏久客重登湖上亭樹密煙淡山寺雨
水香花落草堂星駢闐玉勒垂楊岸蕩漾蘭橈杜若汀
更喜清和風景好曉鶯啼過數峰青

河患

譚篆灌村景陵

崑崙西極水東流璧玉年年事鬼謀晴日捲灘沙作霧
陰雲出海蜃為樓白洋風急吳兒槳淮北岸高瓠子秋
民力不堪今歲儉饑來擔土築浮漚

軍中有感

李念慈劬菴涇陽

去年此日逐清班仙仗春趨霄漢間賜宴寵霑高坐渥
陳詩容繪下民艱近臣內出傳天語潔祀晨歸識聖顏
華髮放還依幕府五溪回首萬雲山

過羶帽馬陁二湖

洞庭七十有餘汊羶帽馬陁各得名滔日迴風也自闊
盪芻豁眼真吾情雲開遠見暮山碧雨後近兼秋水生
岳麓湘潭誰地主會須挂席趁春晴

雨中荅蕭二文遠

譚鳳祥韶成漢陽

高門暫借一枝栖翠竹參差樹影迷世路殊難開口笑
窮途那復向人啼山雲蘊釀桃花雨茅棟春融燕子泥

且盡酤來村店酒漫聽鼙鼓馬聲嘶

江行

顧理美輝六嘉善

西望澄江盡翠微旅人晴日試春衣紫雲朝擁扶桑樹
白浪遙飛采石磯六代河山畱錦纜千秋關塞落斜暉
扁舟一繫江干上醉看三春燕子歸

送丁景呂還江右

鄒祇謨許士武進

樹色蒼蒼河影流送君樽酒返洪州才人慷慨芙蓉劍
思婦蕭條玳瑁樓落日去帆千嶂色斷煙芳草六朝愁
匡廬山下如相憶白鴈傳書到九秋

曹山承荔裳解裘固辭

蔣超虎臣金壇

羅襦解脫顧常侍錦褥絨還杜少陵幾看兒童新領項

不將顏色及親朋清華斐疊君恩厚貧賤周旋我慣能
酒罷雪淡篷簞下題詩硯井已層冰

同祖望宿山寺次日登飛來峰

姜圖南真源仁和

孤峰絕壁最高標把臂登臨翠色遙九里松篁沉暮靄
三天樓閣傍煙霄猿聲出洞隨雲度樹杪飛泉落澗飄
怪底夜來喧枕石海門爭湧浙江潮

從軍行

范雲鴻天翻會稽

霜天落木狂飈起仗劍時登瀚海樓壯士營中寒簷策
美人帳下怨篁篴千山雲映刀頭雪一路風傳塞外秋
孤鴈橫空驚野火關心何處不生愁

雨中牡丹

嚴我斯存菴歸安

石欄微雨曉氤氳瀟灑名花迴出羣最是洛川能蔽月
可知神女定爲雲由來國色開宜晚却使天香淡處聞
莫道春光畱不住玉樓人倚待斜曛

大梁懷古

葉舒崇元禮吳江

剩有離宮認舊畿宋家艮嶽尚依稀江南怪石堪停輦
塞北飛塵易染衣獨對金門交羽客共將玉液供安妃
空壇髣髴遺仙響猶說君王夜醮歸

燕子磯

黃文煥坤五永福

誰禁他飛千載心鎖山鐵索照江潯草衰時鍛差池羽
水激長添下上音解繫任憑金可冶戀棲長聽蘚交侵
欲招王謝堂前者莫人人家只入林

關前誌別

季開生天中泰興

共嗟鷄肋重恩全餞酒蕭條轉授鞭奄普灘平魚陣淺
句離天闊馬行偏不辭馬骨埋邊雪敢惜牛衣臥塞煙
今日玉關無內外臨岐握手莫潸然

重修晴川閣成

吳正治廣菴漢陽

天空木葉洞庭秋倚檻重尋面面幽城郭自來多感慨
江山猶可慰風流窺人好月看初下對酒晴峰莽欲浮
隔岸幾時橫玉笛凭高老子醉南樓

十月初六發榆中夜抵魚河驛

董文驥雲知武進

振野涼沙撲馬飛孟冬絕塞已風威王程中夜魚河宿
客路衝寒虎節歸邊月黑時防失道胡霜白處欲侵衣

南州此夕微暄暖滅燭聽鴻坐竹屏

燕臺懷古與藹公

金憲孫郃度完縣

屠秦未遂霸圖空蔓草荒煙鎖故宮望斷函關迷廣陌
聽殘易水咽悲風天連秋壑寒侵碧日照霜林曉映紅
不信千秋豪氣盡悲歌曾有幾人同

湖上感懷

杜臻肇餘秀水

客向燕雲宦久淹重來湖上獨開簾亭多缺略裁詩補
樹少參差待畫添鷺嶺已多僧說偈蘇堤不見土呼髯
撩人但有怡情管陣陣風來繞几檐

同永嘉諸子松臺較騎

楊廷棟豫慎海寧

白鼻花驄落紫纓春郊塵靜逐風輕為逢知己霜蹄逞
堪共功名汗血成據鐙伏波猶顧盼登車仲舉欲澄清
悲余解甲三年臥扶上婆娑股肉生

遊天台

盧崇興瞻斗廣寧

探幽此日到天台瑤草琪花滿徑開洞裏難逢仙綽約
人間應許客徘徊籃輿乍轉千峰秀錦瑟誰陳暮景催
想像明璫空問渡白雲縹緲過溪來

出彰義門

周啓鶴立玉宜興

北風吹鴈過恒沙千里迢迢欲問家塞嶺天高先雨雪
關河秋盡落寒花帆懸蒼霧移南浦騎擁黃雲聽暮笳
晨發都亭向三輔自憐踪跡寄天涯

印帖

曾異撰弗人晉江

三徑秋淡滿草萊空山獨自笑顏開文章得意輕身藥
書劍無聊醉後杯何事木犀香不去有心蘿月睡還來
蕭條竹榻微霜下一夜相思庾嶺梅

登越州臥龍山

歸允肅 孝儀常熟

直上蓬萊灑氣清短墻環築古臺亭幾年屏障開圖畫
半郭煙巒入杳冥官舍樹凝秦望綠鏡湖波拂越山青
當年霸跡渾銷盡時見沙鷗下遠汀

春日登北固山

陸光旭 鶴田平湖

建業桑田北固通登臨巖閣倚危空江分吳楚樓船月
寺接金焦海市風細柳牙旌春雨外鶯花鐵甕夕陽中
不須隔岸平山悵芳草年年玉樹宮

荅張鑑夫

魏 閱 各閱漢川

老去知心猶似面雜投雅詠幾迴腸篇成山鬼人投艾
績就春蠶蟹有筐病肺多年耽白日垂綸無意辨滄浪
好從花酒塵中樂何用浮名歟後揚

西田感興

王時敏 烟客太倉

陰陰梧竹暗漁隈小徑柴扉向水開書喜旁行從衲授
晝乘閒興畏人催殘霞映日低紅樹細雨滋花襯綠苔
最愛寒煙疎柳畔鴈行斜逐釣船來

獵者

劉肇國 阮仙潛江

獵者已忘蕉下鹿市兒爭捕影中蛇履穿嘯父終難補
背癢麻姑不肯爬且置馬肝求饜飫誰尋魚目辨瑜瑕

明知碧落傾西北煉石空勞問女媧

東張較書病

鄒之麟臣虎武進

寂寂山齋疎笑語祇因抱病爾經旬萬方難得醫心藥
一我空多入夢人山雨欲來燈少燄暗窗流響葉驚塵
請看此際閒情性應悔生前作女身

嚴先生釣臺

張百程日闕黃安

片帆日暮子陵湍樹老臺荒歲月殘白水見飛王氣盡
春潮猶帶客星寒乾坤不剗雙趺石風雨無愁一釣竿
千古交情窮達異先生尚作布衣看

八月二日晚渡

姚孫森繩先桐城

秋清驛路晚煙融日月全消野店中鄉語每從孤夢悉

家書已隔半年通斜陽晴照前峰雨淺水涼生夾岸風
竟日驅車還命楫搖搖鞚緒感鳴虫

丁酉元夕馭鹿過飲涉園

王維藩介人奉新

越水吳山千里東溯游茲得慰相從漫移南國春山興
共坐西園夜月中世道滄桑交日變人情樽酒話雷同
莫將此夕同他夕願取孤懷託惠風

春日閒居

曹學佺石合侯官

抽梢翠竹古墻生風細還添幾箇鳴家近平臺青嶂色
夢殘仙觀碧簫聲成都擬住聊爲卜吳市曾遊忽變名
莫怪年來太疎懶悠悠世路不堪行

獨坐

王追騏雪洲黃岡

獨坐冥心未是禪
開窗一鳥落花前
羲皇夢醒從人懶
秦漢書存信手編
身逸漸知朋友樂
家貧長愛弟兄賢
棲遲漫許宜丘壑
半榻清幽似輞川

泛湖

吳太冲 若谷海鹽

見所欲見愁懷開
痛澆磊塊何孤鬼
踏翻苦網歎春住
鬆却巖關縱老來
歌拍纔停溪樹紫
湖光欲黑海潮回
城門緩待山公醉
立馬還傾三百杯

攜宛仙看史過靈隱瞻禮具和上

汪汝謙 然明錢塘

冷泉翻作若耶溪
油壁香車望欲迷
不禁遊人爭艷冶
因叅高衲到幽棲
禪心開悟逃塵網
妄想渾消類絮泥
共對湖山稱點綴
誰知歸路各東西

舟泊天津

王揆 端士太倉

幾年腸斷鼎湖邊
客思今朝倍可憐
萬戶春愁飄絮日
千年野哭括沙天
每望隴樹懷鸚鵡
錯認津橋憶杜鵑
無限淒涼看直北
諸陵石馬臥荒煙

雪朝

王曰高 北山在平

黯澹同雲覆苑墻
疎英的的散霜人
人間是處迷金屋
仙子今宵直玉堂
皓月多情傳素影
蚤梅作意點紅粧
何人爲掃袁生徑
紙帳圍爐喚索郎

盧溝曉月

王颺昌 子言萊州

娟娟淡瀉景西斜
皎吐寒光遠望賒
渡口殘星明雪瀑
秋來徹夜映蘆花
征人夢破千山影
野墅鷄啼萬里沙

苦照河梁臨絕塞風塵車馬動天涯

任崧瞻移樽夜坐

來集之元成蕭山

竹盒銅壺童子肩蟹膏鱗鼻悉登筵杯傾餘瀝朋來酒
服襲重裘臘底天坐久繁添三寸燭語淡事引十年前
文章兄弟輸肝膈唱徹寒鷄未肯眠

秋懷

周在浚雪客祥符

千載金臺跡已陳市中誰是有心人畏讒昌國終歸趙
徒死荆卿竟霸秦斯世不聞收馬骨而今始信悞儒巾
蕭蕭易水秋風發逆旅無端自飲醇

宣州城晚眺

吳之紀小修吳江

極目郊原入望賒土風撲簸斷紛華天低暝色青山暮

水下寒流白日斜荒刹傍城餘草木古堤緣澗住人家
不堪作客逢搖落歸向青門學種瓜

都門送周櫟園先生南還

黎士弘魏會長汀

平時好語寬相慰爭及今朝酒數行海內久知公不欠
意中真見客還鄉遠鴻待信迷春澤瘠馬寒嘶認大梁
遙憶到家親串滿添燈拭淚說先皇

有懷

魏憲惟度福清

自是情淡不忍離尋春空負十年期數峰江上孤舟雨
萬頃天邊獨枕詩無可奈何鐘欲斷不勞相憶鴈來遲
懸知別有留連處帳裏燈花帶笑吹

雲中秋日

馮雲驤訥生代州

浩浩驚沙四野來
彎弓夜上李陵臺
寒花滿地清霜重
飛草粘天畫角哀
賽罷神燈明雀瓦
戰餘鬼火照龍堆
百年詞客重過此
弔古長歌獨馬迴

青門早秋

蔣 墳寅升
武進

柳葉欲飛楓葉香
空堂趺坐覺高涼
並無酒盞如前月
只有蟲聲似故鄉
野水條條沙盡白
頽陽曲曲岸初黃
何從豁目空天地
落鴈峰前淚幾行

懷湘煙

吳百朋錦雯
錢塘

解佩當時醉狹斜
仙源有路見胡麻
同心欲贈雙條脫
別怨空留半臂紗
金谷月明誰倚曲
銀牀露冷獨看花
應知客路遙相憶
飛夢長隨萼綠華

釣突泉

吳珂鳴耕方
武進

抱郭溪聲曲曲斜
靈泉終古歷年華
溯源地脉來王屋
幻相天工散雨花
激盪因風搖素練
空明印月淨恒沙
探奇近得閒鷗性
勝侶攜尊看晚霞

歸興

潘錫晉子見
湖州

風雨茆亭好結鄰
名山應不負高人
身經憂患安貧賤
事到艱危仗鬼神
夢裏關河堪問渡
尊中天地不成春
歸來原有桃花路
茗葉松枝隔世塵

過城南小園有感先文安公所構別業

王無咎藉茅
孟津

一望金陵萬事非
千重古木尚依依
馬蹄舊識烏衣巷
雉堞平分赤石磯
曲徑有橋通積水
荒苔無地駐斜暉

只今閒咏瓜藤下猶記囊詩待父歸

宋玉叔坐上與袁籜菴別

錢陸燦湘靈常熟

平生恨未識荊州歲暮相逢已白頭故國無心尋北里
新詞如夢在西樓誰于淡夜傳碁譜合向中山問酒籌
但說吳趨歸去好煙波桃葉使人愁

金山

龔賢半干岸山

雲山鬱鬱水茫茫吞海亭高望大荒兩岸旌旗增堡堞
六朝洲渚幾滄桑赤烏此地通吳會白雉何時貢越裳
願得萬年鯨浪息寒江無雨過重陽

靈石

李振宜滄葦泰興

靈石孤城城亦高城頭雉堞埋蓬蒿風吹土屋懸牛鐸
火照旗亭剩馬槽不信小民貧到骨誰知官長法如毛
枕邊一夜何人哭靜聽溪流響似號

國士橋

梁允植承篤真定

石梁虹引俯山村霜滿秋陂白草蕃三擊模糊吞血淚
片言生死重君恩悲歌故咽溪中水駐馬還驚橋下魂
襄子霸圖空戰壘千年國士廟長存

送李條侯還下邳

徐倬方虎德清

一曲陽關天上歌李生行矣恨如何酒人從此荆高少
壯士由來豐沛多薄板青牛畱紫氣火雲赤日渡黃河
章臺種徧長條柳不挽驪駒白玉珂

飲飛來峰下酒家

錢澄之飲光桐城

娉婷曾不費明珠嫁得鬢鬢大有鬚繡被許誰依翡翠
寶鞭先我墜珊瑚擬乘紫燕巢金屋欲化青絲繫玉壺
舊是酒徒能滌器莫將犢鼻着狂夫

夏日侍家大人

同宋荔裳先生飲
張忍齋竹溪書屋

王鴻緒

嚴齋
華亭

高館邀賓白日斜曲欄隨處踏煙霞八窗翠湧篔簹谷
一澗香開菡萏花劇喜雄風憑宋玉誰憐寶劍拂張華
知公念切通門舊杖屨追隨未有涯

孟津舟中

顏光敏

修來
曲阜

急水高灘捲白沙津樓古道夕陽斜飄飄舟上分鄉土
潦倒人前怨歲華萬里忽開三晉樹南天吹下北邙花
獨憐從此音書斷那得狂夫不憶家

斐園讌集

牛 奩

潛子
長治

夏雨初晴眺碧空北門高會繫青驄文章萍水皆知已
湖海襟期有數公小苑蒼松浮夕照畫梁紫燕舞薰風
却憐塵繼先歸去回首亭臺興未窮

暮春集阮二陟與與齋

黃晉良

處菴
侯官

小徑頻過近芷蘭遲君晝靜午風寒青帘何處迎三笑
白眼誰家耐一看客至便寬人失約詩成偏藉爾刪繁
誰將潦倒酬賢主莫道春歸送別難

孟秋

耿宗墳

篋伯
黃安

小苑新礎四壁清別離踪跡是三生奇情易極天涯事
薄福難消文字名邊塞寒催青海鴈大江秋至武昌城

芙蓉莫笑年時客風信驚聞舊樹聲

江州雜興

楊大鶴芝田武進

征鴻肅肅泣斜陽何處憑高發興長子美能詩原率府
相如善賦也貲郎天寒有客鏡黃獨衣冷無人賞鸚鵡
不是風流饒述作白頭衰謝轉淒涼

得家書

李浩天石長洲

強寫平安字不明淚痕淡處印花輕未開先覺饑寒色
讀罷空餘歎息聲魚影憑空花浪晚燕兒還在竹簾晴
事當無奈原須醉不學劉伶即步兵

韓莊新堤觀日落至月出

田茂遇華亭

高秋晚照浴晴波載酒河隄倚醉歌暝入寒沙歸鴈驚

光侵水窟走龍鼉一輪碧月林間出五色明霞鏡裏過
爭識歸田公等意荻花淡處釣魚蓑

人日讌別經鋤堂送葛瑞五入山

陸進蓋思餘杭

綵勝簪邊著幅巾懸知花下有秦人被衣料許同前席
採藥從教列後塵鷄犬入雲都自得琴書出谷亦懷新
尚平他日完婚嫁仍與先生作比鄰

嘉定寓舍感賦

康范生小范安福

野寺門臨官教場荒郊日落客心傷書來異地傳新語
人到衰年憶故鄉有盡繁華頻看鏡無端寂寞強浮觴
與君試上高臺望幾處朱門變白楊

馬陵

陳玉璣賡明武進

清言初集
無邊山色鬱蒼蒼，聯絡諸峰散夕陽。北枕沂州春樹渺，南臨相水暮雲長。煙添青嶂迷殘壘，馬起黃河冷戰場。千古英雄誰豎子，只今惆悵馬陵傍。

別吳星若

莫大勳魯巖宜典

堤邊楊柳共君看，春雨添潮兩岸寬。帆影雲封飛樹杪，驪聲煙鎖繞河干。陽關且盡村醪興，易水猶餘劍氣寒。到處逢迎君自有，應知不似阮途難。

過三高祠有感

俞瑒犀川長洲

荒祠寥落楚雲東，笠澤高人志每同。閱盡功名成隱逸，到頭巖壑是英雄。千村禾黍秋風外，萬頃煙波落照中。人事廢興無定所，五湖何處逐歸鴻。

登海湧峰

傅感丁兩臣仁和

昔聞虎臥此高丘，此日登臨最上頭。近接靈巖唯片石，遙觀雪浪有孤舟。銷沉霸業同煙草，寂寞禪心視水漚。劍窟泉飛石梁北，聲隨香梵幾時休。

贈張黃門

張英敦復桐城

十年霜雪老黃門，抗疏羣知國體尊。嶽鹿摧來非有意，山龍補處自無痕。漫言盤錯昭臣節，偏向風塵識主恩。親見閭閻彫敝甚，鄭圖還與繪干村。

垂虹亭看雪

却寄茂倫松之諸公索和

吳彥芳香為閩縣

太湖波漸動，春風芑屐人。來踏雪中市，上江魚渾裹。白枝頭梅，盡半銷紅雲。開玉塔，擎天柱。日射銀橋，吸水虹。

漫說灞陵好詩思諸君興却在墻東

載酒江頭別用始重遊粵東

許友有介侯官

亭亭畫舸倚寒津斗酒同君起數巡劍氣每分虹電骨
文章敢負雪霜身一江梅雨歸殘夢兩地荔枝憶故人
閒記昔年曾到處驛樓村店句猶新

過家彥林故園作

錢繼章爾斐嘉善

釣游舊事總茫然一曲雍門二十年鮑照僅留身後句
要離豈擬墓傍田尚存花塢鶯猶滑漸老松圍鶴已遷
腸斷曲池池畔月碧紗罨畫小堂前

覽去矜新詩兼此寓懷

柴紹炳虎臣仁和

東臯行藥憺忘歸散髮高吟總息機幽谷寒禁蘭葉短

長河雨過杏花稀遙憐杜宇啼春去莫待泉明憶昨非
寒食春城風景切令人把卷淚沾衣

送伊翁菴巡撫滇中

李崇召林桂林

西南千嶂倚天開帝遣元臣薙草萊六詔何難城武下
七擒自昔孔明推蘆花渺渺連湘水木葉蕭蕭落楚臺
一唱驪歌憑倚望舞干還令宰衡來

中秋遊柯山夜集東書堂

葉襄聖野長洲

江潭秋淨晚潮過乘興扁舟意若何斜日樓臺青嶂合
西風鴻鴈白雲多杯長坐看燈花落歲晏愁聞蟋蟀歌
底事驅馳江海上祇令霜鬢易蹉跎

鄧尉山西灣

俞南史無殊吳江

東巖出日照西峰
峰下人家樹色籠
盤瀉楊梅琳玉紫
觴飛鸚鵡石榴紅
牛羊晚戀松篁徑
鳥雀朝歡禾黍風
每歲一逢徐孺至
相呼同醉竹林中

別琴臺

丁 煒鴈水德化

長嘯登高不厭貧
孤琴離曲恨方新
村煙冉冉迷紅樹
塞鴈蕭蕭下白蘋
六載名山成好友
一天暮雨剩歸人
臥遊應有他年約
未許宗文獨問津

乙巳除夕立春

張彥之洮侯華亭

寒燈殘夕喜花枝
無奈春風守故籬
歲月已知同舊俗
門庭獨敢重傷時
鬼丸欲印冬思盡
神雀成圖漏較遲
世道固憐衰薄甚
中情聊與白雲期

夏日雜詩

田 雯綸霞德州

官津斜日大旗明
幕帖傳宣又點兵
衛霍幾人推上將
干戈萬里老書生
塵飛紫塞風偏疾
天瀉黃河勢不平
峴強朱雲焚諫草
當年折檻亦虛名

柳胥

在吳江縣

及丹生山夫嘉善

江上落花飛不去
城中春色爲誰來
歌殘爭識人間恨
日暮空聞笛裏哀
柳葉依然垂草徑
胥濤偏欲繞荒臺
年年過客思公子
酌盡東湖酒一杯

湖心亭

龍 光二爲望江

賴得垂楊數樹青
倚窗閒聽水泠泠
波開一鏡搖虛室
雲斂雙峰擁列屏
幾處玉簫催短棹
半灣荷葉盪輕舲

惟餘蘆荻洲前月不改清輝夜到亭

集龔芝麓先生宅

毛重倬 卓人武進

獨坐還留左席虛臺前時曳野人裾登朝再縮周昌印
託乘頻過到漑車輦路聞歌新淚落相門空埽故交疎
柘枝舞罷愁分手搖落鄉心滿薊墟

長安送友

汪霖 東川錢塘

十年江上銜盃日相向狂歌思不羣我已貲郎慚執戟
君今薄宦且論文驚心故苑花應發攜手河梁路漸分
別後懸知相憶處明湖涼月白紛紛

經吳城

魏學渠 子存嘉善

疎柳高梧傍客舟闔閭城上角聲秋風吹白紵清砧急
月上紅闌暮笛愁草碧吳天迷北望潮平越水向南流
行人無限滄浪思幾處笙歌繞驛樓

初夏西山凝雪

陳增新 子更嘉善

忽謾燕山四月寒千峰雪色鎖高盤還飛素氅雲邊鶴
不辨銀驥花外鞍芳草雨餘猶帶潤輕塵旭薄未全乾
最憐憔悴將歸客延佇城隈立馬看

趙友沂席上贈紀伯紫

嚴曾渠 方貽餘杭

裘馬逢君郭隗臺經冬木葉帶霜催天清鴈向城頭過
日落人從江上來十載梁園推作賦一時河朔共銜杯
新詩座客多相和歌罷春生笛裏梅

哭巫巒穉

吳翹 羽三吳江

鐵柱宮前語傾蓋鐵牛渡口坐班荆論交何止鄉親好
相見常徐長者行餒虎口中能不死晨鷄聲裏悟無生
中郎歿後風流盡那得音容更老兵

丘山草閣小集

徐士俊 野君 仁和

借得春山作畫廊更添花木兩三行人如林下清談客
閣似川西舊草堂不雨不晴真氣候非絲非竹自宮商
數杯已覺陶然醉臥聽催歸叫夕陽

秋閨

孔衍樾 心一 曲阜

聞說旌旗宿塞城淒風昨日送離情小窗秋入憐砧亂
幽幕燈殘憶夢成金鼎香消青篔冷銀河影瀉戍樓平
寒霖滴盡閨中淚但願烽消罷遠征

贈羅弘載

呂祚德 錫馨 金壇

却離茗上到揚州都似樊川舊酒樓自古文人無薄倖
至今詩卷盡風流雲霄直向鬚眉卜霜雪寧餘髣髴留
對語書空休咄咄此身肯信作虛舟

醉里夜泊

俞廷瑞 雪巖 奉化

溶溶九曲遶城行月到扁舟影似橫滿眼風塵隨客過
一肩琴劍覺身輕壯懷時欲聞鷄舞爽氣還思攬轡清
煙雨霏微湖水濶只今樓閣斷吹笙

塞上

張恂 穉恭 涇陽

蒼茫亭障草連空亂水荒原入望同沙磧日昏鳩鵲雨
石田雲暗馬牛風那堪玉帳懸天際尚有金墉在眼中

一自霜花涼冷後鵬飛無計避強弓

初登雲臺山

張新標山陽

屹柱東流萬象懸嵯峨海外界諸天人從層坂穿雲窟
僧向崩崖種石田嶺外雙峰開日觀巖前眾壑護龍眠
依稀笙鶴來三島頗悟塵勞盡可蠲

傲居

黃周星九煙

天空海闊竟何如此日英雄且傲居擊筑市中誰進酒
賃春廡下自鈔書一春風雨牛衣老十載江湖馬肆虛
輸却雲門行脚漢竹煙松月搃精廬

長安感懷

王紫綬金章

南國儒臣集御筵壯能卮酒啖生肩千金劍馬人三賜

八座貂蟬歲九遷賈誼數奇應宦楚荆軻恩重欲辭燕
江州易下清衫淚不必琵琶聽夜船

虔州有感

聞道天家日築壇黑貂白馬紫金鞍孟明陷久仍遷職
卜式功高合拜官自古山爭二陝于今精銳盡三韓
丈夫馬革尋常事莫作諸侯壁上觀

范蠡塚在肥城縣

章貞含可

少伯風流自古今扁舟遠逝白雲深沼吳不受封侯賞
去越真懷戀主心三徙已辭高鳥恨五湖長謝白頭吟
豐碑軼事傳遺塚萬谷蕭蕭楓樹林

九日對雨寄沈三山

濮宗澹軒

十年客舍九重陽今日重陽寓故鄉脫帽不羞蓬鬢短
插萸同醉酒盃香萬家烟樹連村落一水梅涇舊草堂
宿雨不收佳節過君家叢菊幾時黃

毘陵過吳氏嘉樹園

方孝標樓岡

灌木城隅隱辟疆柴門小艇泊滄浪墻頭桂樹香新雨
郭外鴉聲聒夕陽黃閣人歸營綠野黑頭公去閉丹房
畦丁舊是梨園伎歷歷開元話短長

江陰舟次

李振宗欲仙嘉善

澄江百雉俯清流漠漠離情逐浪浮山色未真因薄暮
林光不動為經秋亂煙茅店人爭市曲岸回風柁緩收
不覺敝裘淡夜冷長年為報雪盈舟

南旋

孫卓子立宣城

鳳城葭管正飛灰雪霽桑乾匹馬回世業家藏餘諫草
江關客夢繞金臺乍歸敢逐漁樵伴一臥先慚侍從才
却憶上林春信早肯憑驛使寄寒梅

送李仁熟之浙

劉廷鑾得興貴池

經年遊處總相同夜半藤陰隕葉中雨過吹笙呼樂部
霜回冒絮說郢筒一囊羽調經山左千里吳歌問越東
早向江干收畫黛可知歸夢怨飛蓬

遣懷

周質青士嘉興

白首徒然短後衣讀書敢悔昔年非一人知己可無恨
萬里投軀何所歸往歲屠羊曾有業比來垂釣已無磯

田蔬圃芋猶難得况是春山舊蕨薇

懷沈豫仙

蔣 垣曠生
長洲

惜別東風天一涯思君誼切倍思家情耽杜律工尋句
興寄庾園愛種花暇日頻過傾宿酒春山應復試新茶
故人千里遙相憶煙水蒼茫共落霞

百泉夜坐

成 光近天
大名

蘇門山下百泉幽雨後清宵不厭遊人影倒移波底月
山光曲抱樹中樓珍珠源湧繁星散鸞鳳聲同萬籟收
待到五湖踪跡徧還將煙景傲中州

王侍御席與歌兒

毛 牲大可
蕭山

御史筵前舞柘枝當筵重唱鷓鴣辭紅牙細記青螺盃
粉頰低垂綠玉卮人是故譙車子後歌傳秋浦謝楊兒
蘭臺會擬貞元宴葉底花間幾度思

自北往楚有感

錢肅潤礎日
無錫

去時忽忽辭燕土來日悠悠接楚天白雪叢中行半月
青山嶺上度殘年江頭夜雨煙波外馬首春風雲樹邊
無限離情催客淚遊人相遇亦潸然

春興

侯方域朝宗
商丘

新霑雨露足淡春麟閣丹青自有人碧酒凝寒濃似酪
塞貂勝體白如銀蒼生問渡饒舟楫赤帝揮蛟佐羽鱗
黃綺由來無壯志商於枉却避徵輪

海燕

沈 涵度汪
歸安

柳鞦花殷綺閣開聯翩翠羽自南來當軒並坐春風暖
隔座頻呼午夢回紫剪淡藏金作屋霓裳對舞玉為臺
烏衣門第堪消日忘却三山碧樹栽

宿星輶驛讀于忠肅公詩

韓詩聖秋涇陽

西歸又復出東齊路入條山夢不迷蒼嶺接天秦樹渺
長河注海代雲低已廿十載同匏落猶憶雙溪聽鳥啼
近塞陸梁憂社稷驛亭拭淚和公題

金陵報恩寺瑠璃浮圖係永樂年勅建

徐嘉炎勝力秀水

瑩瑩七十二欄干面面江風響碧湍紺影晴搖雲母帳
珠光雨散水晶盤去天三尺瑤臺近入月千門玉檻寒
帝子昔應遲鳳至因教五色似琅玕

同宋穉恭客吳門

孫一致止瀾山

碧梧聲落早秋侵客睡昏昏轉夢沉衣食苦催千丈髮
詩文煎逼五更心雲連烽火江城暗風鼓鯨鯢海氣陰
更說故鄉田盡沒共君憔悴只長吟

和秦吉生東寺楸樹

陳允衡伯璣南昌

吟詩盡日掩禪扉種樹何年已十圍影帶慈雲朝映戶
聲兼法雨夜侵幃庭空葉落驚僧寂院靜花香悟客微
不比長松與細柳獨畱生意待春歸

登五華閣

高士奇澹人錢塘

晴日高侵薜荔墻孤岑古寺半荒涼到來山果逢初熟
坐久巖花覺暗香遠眺宜人千樹曉平臨濯足一溪長

披襟還訂秋溪約引領天風入醉鄉

廣陵中秋

冒襄辟疆如臯

露華濃上桂花枝明月揚州此會奇老去快逢良友集
興來仍共晚舟移青天碧海心誰見白髮滄江夢自知
多少樓臺人已散借歸密坐更銜卮

鼎榆在白羊城真武廟

孫暘赤霞常熟

塞北林丘處處殘香煙叢裏有榆盤不階尺土凌雲漢
偏長南枝護醮壇幾見劫灰青未改托身火宅氣常寒
漫言故國非喬木畱得濃陰奕代看

夏日陪同人遊斐園

王嗣槐仲昭仁和

也知白髮渾無賴耗耗追陪興有餘中酒顛狂情似昔
賭碁崛強老如初半生好客長為客萬里傭書只買書
潦倒浮名逢賀監閉門轟飲復何如

送侯蓮嶽侍御還朝

李楷叔則朝邑

使君畫舫騁秋颺肅肅清霜照大旗河是宣房功奏後
糧如蕭相運關時三都我藉為玄晏七線誰憐少子期
天上故人應見訊蘭臯今日採江籬

歌風臺

謝天樞星源侯官

亭長生當泗水旁無端逐鹿到咸陽大風空起枌榆社
落日猶歸鷄犬鄉卮酒爭牽游子壽杯羨誰動故人傷
貧兒十載為天子悲喜能無泣數行

溪上

蔣遵路路然無錫

清溪西下湖水平清溪東望龍山橫煙樹碧藏紅翠語
風松琴和笙簧鳴翔鷺翻濤雪萬頃神魚出水月三更
范生揮手自茲去霸越吳夢不驚紅翠鳥也

春暮湖濱遣興

龔百藥武介眉進

上巳清明一倍遊城南桃李最銷憂玉釵坐滿隨花舞
金犢車輕似水流碧草何知前浦別丹霞遙向故山浮
嫋姚昨夜軍書到愁殺春風十二樓

秋盡籬菊始華

翁世衡任斯錢塘

秋容漸老北風涼聞道昨宵竟有霜繞砌困紅兼慘綠
滿庭寒碧讓新黃將移南郡傳經第改作東籬載酒莊
豈是天公忘節序菊花開卽是重陽

德水秋懷

邵庚橫卷仁和

山川人物入行囊不數千金陸賈裝寶劍過徐畱亦好
玉環聘鄭買何傷連朝風起鱸魚美八月秋淡燕子忙
襍被歸來那自遣故園松菊未全荒

入淮陰

陸舜吳州泰州

雉堞嵯峨鎖要津通侯邸第望中新州分海岱關河暮
地盡江南草木春落日淮黃看積水高風楚漢弔奇人
孤舟漸欲行天上冷雪寒霜近客身

舟行晚眺

董閻方南吳江

千山凝碧暮煙空一水移舟任晚風隴上草衰驅臥犢
天邊雲斷過飛鴻村村白稻寒煙裏樹樹丹楓落照中

前路不知何處泊平川隱現數燈紅

舟中對月偶成

李必果漢陽令

澄江一望平如掌千里孤帆明月中對酒渾忘鄉國異
放懷直覺海天空乘流鼓柁堪誰語抱膝長吟亦自雄
浪跡無心隨去住東西那復繫冥鴻

范文正公祠

呼谷德山下

奇峰峭壁倚青天想見垂紳搢笏年一事未酬虛卜相
萬言雖獻孰安邊寒煙鳥下侵階蘚殘葉僧行汲井泉
隔隴何人吹牧笛前山猶種義莊田

送羅魯峰還漢陽

張南村書至

茆薦馨一峰長興

楚容停車把臂初南村東去近何如騷人自製江臯調

才子今陳魏闕書昭諫能詩終晚達茂先博物豈窮居
炎天相望滄浪道為羨青樽膾鯉魚

九日登查山

王頊齡潁士婁縣

仙山突兀海雲涼令節登臨石徑荒雙屐健尋瑤洞草
百年歡對菊花觴金隄乍築蛟龍偃玉笛橫吹鴻鴈翔
更喜樓船休戰伐漸看稻蟹足江鄉

李濛楚別墅聽蕙如絃索

郭奎光汾又成都

長夏探幽別洞天樽前河朔盡名賢行厨玉鱠盈犀箸
上苑瓊蘇瀉玳筵苔色任教侵綺簾薰風隨意送冰絃
爭妍况有雙成曲試看榴花笑欲燃

渡河有感

徐旭齡敬菴錢塘

河清比笑更何人俯檻臨風此意真馬足素慚隨俗吏
菜根不厭憶慈親此行但飲邗江水他日堪盟淮瀆神
極目蕭條秋草綠澄清倚徙問長津

燕邸公讌正月十九夜酌
蔣馭鹿邵子與

諸九鼎駿男
錢塘

高館張燈夜氣淡空階煙火花陰陰相逢燕市且投轄
何事長安空碎琴蓬徑蔣生聊捉臂青門邵子稱同心
明晨與汝聯騎出還覓西山青竹林

送徐逸菴先生之荆南

李為霖雨商
典化

夏雲幾疊大江干白舫青燈向晚看二別晴嵐杯底見
三湘明月水邊寒坐移斗柄襟裾溼人在冰壺眼界寬
更待芳洲秋氣霽浣花堂畔倚疎欄

豫章秋懷

徐林鴻大文
海寧

楓樹蘆花兩岸霜江分九派是潯陽帆檣晚趁秋濤轉
鴻鴈寒依水驛長遠客星霜殊渺渺孤城風景自茫茫
琵琶亭外千秋月詞客經行淚滿裳

秋興

宋 犖牧仲
商丘

楚中形勝說黃州亂後依然江水流到眼雪堂青草發
傷心赤壁白雲秋官閒射虎時驅馬歲晚看山幾上樓
俯仰天涯蕭瑟甚叢篁疎柳暮鴉投

望張曲江墓

彭定求訪濂
長洲

峰回路轉曲江頭相國風流憑古丘自別紫宸紅日蔽
常留黃土白雲悠千巖秀結夔龍氣萬澗聲傳廊廟憂

清言不集
喜起當年猶拂諫斜暉淡處問松楸

希夷峽

張應桂復我膠州

夾岸驚濤翠色濃忽從絕壁見仙蹤三峰猶記翻驢笑
千載爭傳高臥容已去洞門憑月照獨留蛻骨待雲封
尋真剩有煙蘿趣盡是絃聲萬壑松

小集

丁文策叔范錢塘

吳山佳氣滿前峰曉入層軒翠萬重往歲琴書常對酒
故人風雨自攜筇南陽龍臥雲皆溼東國鶯啼柳正濃
今夕不嫌重秉燭衝泥歸去亦從容

贈築菴和尚

陳瑚確菴太倉

已無姓氏挂人寰尚有聲名重泰山萬里一身餘涕淚

十年雙屨老間關龍腥怪雨江城黑鴉背殘陽木葉斑
爲問天涯幾知己可能畱得舊殷頑

夜泊釣臺

范驤文白海寧

年年舟過子陵祠常是溪光欲暮時兩壁高峰隱日月
一灘春草宿鷓鴣羊裘避去嫌名出鶴隴書來罷釣遲
咄咄狂奴態應爾不貪身作帝王師

西苑春游雜詠

沈三曾九斌歸安

萬歲峰高放眼明當時傳說洗粧名鏡澄碧沼秋波動
翠積西山遠黛橫一代風流歸絕域十香詩思共推評
臺荒人去空凝竚春草年年無限情

上元集春雪齋

楊思聖猶龍鉅鹿

佳節輕寒雪作花圍爐小閣隱燈紗客懷易感難成醉
老友相看卽是家但遣金門閒白日何須絕域問丹砂
可憐此夜笙歌劇握手同驚兩鬢華

殷素公歸里

張玉書素存丹徒

西風襍被出層城藉甚人傳入洛名久擬平津居上第
暫遲宣室召儒生煙銷鷺嶺干松靜浪穩秋江一葉輕
寄語華陽棲隱者倘因餐露憶金莖

慈仁寺花下小飲

李枝翹條侯睢寧

躡屐尋芳還載酒斜陽一抹隔花微相攜天際青雲客
來扣僧寮白板扉吐綠樹光還照坐生香花氣暗侵衣
忽聽父老談遺事中夜高歌興不違

五日荅范性華

朱之弼右君大興

論詩靜夜尋常事比屋觥籌定幾開一自三春頻望歲
遂教兩月莫登臺見時雨脚從西上更有雷聲自北回
可是黑雲催好句與君泥飲喜相陪

踏青

羅世珍魯峰漢陽

短筇銀榼出郊扉柳路桃花着水飛細草偏能銷醉眼
和風漸得上春衣湖光掩映開圖畫山色週遭隱翠微
日暮晚鐘江外寺月明無地不人歸

廣陵雜感

盛符升珍示崑山

竹西歌吹未全消幕府風流自昔朝漫倚青樓思載酒
閒從明月憶吹簫十年夢覺成惆悵千載文章去寂寥

是處題名看小杜芙蓉江上許誰招

衆春園

韓魏公治定州時建有遺址

胡文學

道南鄆縣

會將一姓寒西夏更以無私關衆春殘柳含煙猶帶碧
斷橋落月自生塵平泉莊廢遊麋鹿畫錦堂空憶藻蘋
生意至今藏翰苑何年風物倍還人

白燕

呂師濂

黍字山陰

纖塵不染出瑤林秋練春冰一色侵白鶴或當呼小友
烏衣豈敢認家禽將軍座上教青眼宰相山中愜素心
聽爾呢喃知有恨陽春寡和到如今

送程石臞補秘書

姚子莊

六康歸善

珠江簫鼓醉行旌驛路晴霞拂權輕天遣文昌歸斗極
人瞻祕史上台衡紫薇香近鸞書貴紅藥秋淡鴈序清
到日定知勞侍從采風應奏萬方情

南還有感

毛會建

子履武進

半世行藏一卷詩歸來雙鬢已如絲隔江煙樹交吳地
繞郭溪流似晉時憔悴敢辭漁父笑乖疎猶賴故人知
只今相見相悲處迸入東風怨別離

憶歸

王豸來

古直錢塘

倦遊久繫故園心不擬蹉跎直至今醉裏夢歸愁夜短
客中眺遠悵春深蘼蕪到處還堪採芍藥開時獨自吟
只有畫簾雙燕子引雛長得傍花陰

卽席別惲香山兄弟

嵇宗孟

叔子山陽

海天雙鶴起孤岑古道支離冰雪淡為爾王融曾笑我
論人季偉獨傾心酒中歲月猶堪數門外春風未許侵
大小山留青玉案淮南日費八公吟

春渡淮陰張鞠存招飲夜話

顧大申 見山華亭

南來馬首憶分離錦樹秋雲起夢思滿目風波淡閱歷
故鄉尊酒重凄其三年愁絕張衡賦一飯春寒漂母祠
鴈影參差江海闊夜闌燈火坐移時

雨中移竹

王 暉 丹麓仁和

數尺琅玕粉澤鮮亭亭直欲拂雲天分來正喜新沾雨
醉後依然半帶煙聊植幽窗期免俗慚無淡處好留賢
何時更得開三徑嘯傲林中樂歲年

望陽臺渡

丘象隨 季山

閒倚高樓望大荒闌干北面鬱蒼蒼孤臺寂寞憐神
幽夢虛無妒楚王剩有行雲迷醉眼猶疑春草駐明粧
可憐暮暮朝朝意淮水三洲萬里長

年來

熊正笏 元獻漢陽

年來短褐學綸巾裊裊行吟過白蘋華表不歸千歲鶴
錦堂長見舊時人囊金已盡書猶癖肺病將成酒是真
安得華山歸戰馬耨鋤無恙老閒身

與朱穎濱過蘇灣訪袁龍威別墅

嚴允肇 修人秀水

極浦風生沙岸長渚花汀草動微涼到知谷口雲瀟灑
行入桃源路渺茫人世幾回逢綺角雲山終日對羲皇

蘇園舊侶會相訂早晚題詩寄草堂

送顧偉南

彭師度

古晉華亭

燕山鴻鴈落寒川江草江花送別筵腰裏白傷今日遇
蛾眉猶爲異時憐桃花水暖河流曲苜蓿盤空野霧懸
莫對吳姬增客思五陵芳草又連天

山中訪友

翁嵩年

康詒仁和

遠尋高士春城外爲戀孤山晚未歸尊酒漫移催短櫂
高吟如在隔雙扉一生消受煙雲供整日徜徉魚鳥依
且待月來看鶴至相思應到夢中稀

巳酉歲改閏紀事

殷

岳

伯巖鷄澤

大撓甲子千年曆曆改今年法又新敢以歲差除閏位
却于冬序正元辰爐燒楫柚催殘臘甕釀屠蘇逗早春
卽看隴頭花信好莫嗟寒沍尚經旬

小齋二松

許孫荃

生洲合肥

風塵卜宅就雙松鱗甲全身欲化龍長此笙簧吹小院
無煩蒼翠挂晴峰參天不改四時色絕頂虛傳五夜鐘
我亦歲寒能耐者與君聊以共窮冬

元夕雨中見鴈

費

密

此度成都

野雲片片接橋西可惜年華負柳堤江上雨來催晝暝
沙中鴈起覺城低寒邊無信傳春翻荒圃宜歸理舊畦
濁酒一杯和淚灑看燈誰在浣花溪

雨舟

徐階鳳

竹逸宜興

孤舟野泊雨泔泔客子凭欄苦不禁無那風狂難挂席
更愁薪盡欲焚琴晝欵虛枕湘靈泣夜坐殘燈龍女吟
破寂還須沽若下隔船呼友共論心

落葉

曹貞吉

升六安丘

林際紛紛點綠苔洞庭秋暮晚煙開吹殘南浦青山出
墮盡西風白鴈來隋苑長條空歷落江潭枯樹重徘徊
無情怪爾飄蓬甚一夜隨風下草萊

泰嶽

吳懋謙

六益華亭

碧霞日觀勢稱雄漢碣秦松路不窮縹緲層巒通帝座
蒼茫元氣接鴻濛地臨滄海蓬瀛近天入燕齊日月空
獨喜本朝封禪絕曾無御蹕駐山中

晚眺

李

木菴輿化

前溪渺渺漾清波幾處漁舟發櫂歌光滿碧天晴見月
香生遠浦夜舒荷氣蒸空翠低城堞雨歇浮煙繞薜蘿
閒眺不知人去盡惟餘林影獨婆娑

雨宿中山

次堵牧遊先生韻

車萬育

與三邵陽

中山一刹祝融北分得煙霞此日親巖畔時招高隱客
山前猶有未歸人風來竹裏清冬韻雨過苔邊綠較新
半榻驚濤閒入夢鄴侯仙骨夢中身

朝陽巖

在永州郡西唐刺史元結曾維舟巖下

蔣景祁

京少宜典

絕壁幽巖磻曲盤濱江環蠹見嶺岼看來豁戶迎飛瀑
何待登山訪石壇巖下碧湍行聽怯洞中丹藥幾燒殘

風流刺史碑重勒長夜陰森薜荔寒

江州雪東左寧南

廖文英昆湖連州

許大河山玉砌成靈光天寶守神京投籤丙夜批黃冷
擊鼓城頭帶甲鳴仙鶴叫寒雲萬里白龍戰苦月三更
書生料敵曾何濟長劍星星氣不平

都門送毛亦史還里

龔士薦彥吉武進

雙眼冰壺入望清看君蕭械意縱橫不成紅燭吟遙夜
無那青絲縮獨征別酒風花移塞日愁心春水半江城
煙林蝦菜難同問立馬河梁去住情

同宋射陵山曉和尚哭胡旅堂墓

黃之翰山陽

昔年花艷送歸時今見花殘覆墓碑無限淡悲同宋玉
特將孤淚傷蓮池寒蛩盡日鳴荒草秋雨連天拂酒卮
最是傷心皆故舊修文一去獨何之

到家

王余高自牧蕭山

入門荒草亂縱橫步履逶迤路不明兄弟流亡存者少
高臺蕪沒幾人行數年作客魂方定此日還家淚復傾
惟有溪山經百戰蒼蒼不改舊時情

粵西秋興

盧綰澹崖

鞭山梁海古奇功五嶺三江會粵中潭影紛搖榕樹色
蠻天毒飽桂花風鴈虛尺素沉空碧蟒射雙睛照日紅
裘革猶然愛薏苡誰憐矍鑠據鞍翁

元宵

戴王縉紳黃滄州

西風凌亂暮煙收
鰲背星高旅客遊
千戶燈明今御苑
丘陵月下舊皇州
鶯鳴春色愁先覺
梅映江花意共幽
攜得清風歸去好
白雲依舊護輕舟

閩門訪舊

悵望吳閩百里餘
故園兄弟日應疎
多年華髮絲相似
三月春愁水不如
歌扇舊分桃葉渡
釣船今傍藕花居
掃眉才子何由見
一訊橋邊女較書

寄王錦州龍師

奚祿詒 蘇嶺黃岡

宦遊直到海東頭
念爾棲遲兩度秋
幾處蘆笳秦塞月
一天風雪漢臣裘
側身燕市青春老
悵望龍堆白鴈愁
若見李郎知客興
寒梅香落滿幽州

沈留侯偕小阮雲襄北上

顧有孝 茂倫吳江

春風楊柳拂行舟
有美聯翩共遠遊
入雒陸機新作賦
依劉王粲故多愁
舊京珠履三千士
荒塚冬青一十秋
湖上青山無恙在
獨持卮酒對羣鷗

河間秋興

史樹駿 庸菴武進

丹雉嗟峨枕繡塍
賢王臺館到今稱
詩翻北海波濤壯
杯映南皮月露澄
燕雀啄餘千樹棗
蛟龍吟斷九河水
獨憐踪跡長潦倒
風雨年年感茂陵

錢龍門先生客園

葉書胤 學山吳江

花園進艇共追攀
客子偏宜盡日閒
路轉幾盤迷鳥道
人從一徑叩禪關
恰教翠袖圍修竹
故引紅泉照小鬟

不是清狂容我輩謝公絲竹在東山

立秋日別鄧子方

鄭重山公建安

風嘶鬱柳聽蟬鳴獨倚冰壺送客行結綬新知畱佩語
歌驪賦別愧高情滿天月好人方去一葉秋飛感自生
抱得琴來難化俗為君却譜惜離聲

蔣穎揆先生楚歸同玉淵春曉閣看桂

胡香顥遇莊武進

曉雲樓閣桂枝幽楚客相逢最上頭七里淡江分兩郡
一時高讌在三秋從來竹下推名勝此日花前起唱酬
似我登臨無好句湘帆曾愧昔年游

馬上見雪山贈闔古古

白孟繁仲調江寧

誰彈流水與高山尹喜何人尚抱關日馭南行當北陸
河源東下未西還星辰劍履看天上屠釣英雄識草間
瞥爾頓成銀世界漫空無路可躋攀

題雲起樓

江闔辰六新貴

月明占斷萬家秋第二泉邊第一樓城市低隨疎樹遠
谿山常共澹雲畱每當雨過村都綠不見花時地亦幽
兵甲未消偏整暇鄉農喜見使君遊

徐道力館選是夕納姬喜贈

吳穎見未漂陽

馬蹄海子繡鞵新約畫眉痕尚未勻進酒坐看錦瑟月
添香笑待玉堂人昭容簾近難為夜太史星占何處春
初賜宮袍花影好却來綺陌帶微塵

神女廟

朱嘉徵岷左海寧

佳人絕世上初陽十二峰頭雲雨長豈肯東墻看宋玉
應憐西舍嫁王昌望夫巖下還畱石立馬桑間枉斷腸
聞道細腰都罷寵若為持汝獻襄王

憩京口避風館

惲本初道生武進

振衣此日玉山行遙聽江流際海聲對峙金焦成鼎足
震來風雨阻孤征天開峭壁閒堪眺地湧雄濤怒未平
無限漁舟還競渡津梁重感世間情

秋夜登王氏南樓

蔣漢紀波澄會稽

城外高樓映大湖湖邊明月夜啼鳥望中燈火光還滅
天際星河淡欲無隔水橫塘種楊柳帶霜秋鴈起菰蒲
登臨無限流連意擬向煙波學釣徒

摘星樓懷古

房天駟大生江寧

摘星人去舊亭荒歌舞興衰共渺茫鉢洗殘僧饒茗粥
岡橫落日下牛羊重泉未醒揚州夢饑鬼空憐麥飯香
惟有承恩多宿草至今力為守雷塘

于少保祠

陸祚蕃武園平湖

變生土木數幾窮此日匡扶獨繫公社稷再安憑隻手
袞旒復辟枉孤忠血成碧玉青霜下神立金城赤焰中
旋踵石曹殲滅盡可能爭說奪門功

贈陳鶴客

譚吉璫舟石嘉興

詞賦曾推漢代雄衣冠今見永和風山中抱膝吟梁父
海內傾心識孟公結客不妨來市上逃名終欲隱墻東

清言不集
明朝共醉漁船上看遍吳江兩岸楓

送施愚山督學山左

孫光祀作庭平陰

仙郎風調漢西京坐擁文旌海上行此去賢良推郡國
近來鹽鐵問諸生天寒幸注孤峰出木落清河兩道明
齊魯自多門下士談經或有鄭康成

天南

沈攀雲步吳江

天南地北總關心孤客徘徊望夕陰此夜玉壺承別淚
何年桐葉寄愁吟月斜夢冷鴛鴦枕花落香飛翡翠衾
漫道相逢不相識對人微笑怨情深

雨中登晴川閣

李鴻青立鄧州

萬家煙雨望淒迷草色湖邊綠欲齊漁艇漫隨波上下
寺鐘畧辨岸東西春城低壓桃花洞高閣平臨楊柳隄
醉去不知天已暮漢陽門外亂鴉啼

閨上已

馮昶世東臨華亭

江潮帶月湧長川裊裊游絲繞樹巔蕭寺遲逢浴佛會
山家恰喜養蠶天數完蕘莢增三日笑指桃花又一年
醉向黃鑪題短句永和勝事漫流連

初夏由鹿田至鬪鷄巖

李淦若金興化

馴鹿曾聞傍洞天翠微淡處起耕煙層層石浪滋芳草
疊疊山橋度暗泉對峙巉巖雲外聳激流飛瀑峽中懸
不知玉女歸何處古木陰森有墓田

冒雨至豐臺看芍藥

米漢雯紫來宛平

荒村雨氣晝蕭森乘興衝泥到處尋十里花光連地闊
萬行山色接天陰因尋梵語來孤寺暗識鷄聲過遠林
回首樓頭朋好在大河堤上騎駸駸

城西泛月

黃霖雨和江都

放櫂西尋第五泉揚州此日正春天依岡鳥道連樓閣
傍水人家半管絃蜨影微窺絲柳外鶯聲時轉落花前
遊人不敢貪明月鼓角高城促畫船

答吳六益

周令樹計百延津

孤舟雨雪到處陽有夢盈盈一水長誰料故人仍此地
再教遊子聚他鄉同尋蘇圃千秋跡共醉梅花二月香
綠酒青燈應念我虎頭龜角望鳴榔

龔芝麓先生使粵還

許承家師六江都

棲遲吾道屬艱難海嶠風塵信羽翰瘴雨斜侵天子節
夕陽孤照使臣鞍千盤猿洞離家遠一杖蠻煙報國寒
捧詔歸來渾錯落玉鉤明月共君看

江郎山

楊兆魯青巖武進

三峰聳峙接雲煙難弟難兄到石巔巖半結亭誰是主
林深趺坐竟忘年雷轟白霧飛金鯽風引青香放碧蓮
欲捫藤蘿尋卓錫蓬蒿已塞虎跑泉下有虎跑泉

懷祖望大文諸子

吳農祥慶百海鹽

同爾讀書城北日金尊日日對愁開天清樓閣千峰入
地僻江湖一鴈來朱戟幾人能下士丹楓何處共登臺

窮途已自慚知已門戶蕭蕭看草萊

新秋雜興

顧有年嚮中上虞

綠楊風細聽蟬鳴霧散高林氣轉清
葉落粉垣桐影亂香浮翠閣藕花輕
茂陵著作仍多病漆吏逍遙獨寡營
笛裏關山吹曉月那堪孤影向人明

偶感

王抃懌民太倉

銅符拜命下丹霄雪夜南征舊賜貂
月到朱樓歌乍發日高錦帳酒初消
雙鬢粉黛搗箏侍諸將弓刀載寶朝
盡道元戎移鎮遠村煙寥落馬蕭蕭

燕臺

陳奮永撫謙海寧

變徵歌哀易水寒燕丹送客白衣冠
七惜圖窮早報友鉛傷筑撲難
當日酒人疎刺劍異時屠狗盡登壇
茫茫一片金臺月誰向昭王塚上看

松江晚眺

沈虬吳江

江干殘雪渺無邊葦岸鷗汀斷復連
人度垂虹遲皓月船歸釣雪宿寒煙
沽來綠酒春前嫩買得鱸魚水上鮮
賴此客懷愁一遣不知風色滿江天

送及山夫之楚赴呂參軍之招

趙時揖聲伯錢塘

不道驪歌動暮年西風吹急鴈聲偏
暫教酒債償吳苑將使詩名振楚天
山色秣陵青櫂尾月光彭蠡白帆前
計程應說三千里為有參軍招隱篇

春草

吳權超士吳江

清言不集
暖風細雨色初酣極望連天接翠嵐公子停驂嘶寶馬
佳人席地闔宜男怕從金谷樓前見愛向池塘夢裏探
見說長亭歸路滿萋萋只是憶江南

震澤謁伍相國祠

蔣注
曙來長洲

胥山北據五湖雄古廟寒開水氣中事到快心忠孝一
身當報國歿生同蛟龍晝起風雲黑縹緲霜飛橘柚紅
遙望會稽南去路茫茫何處越王宮

夜次頭陂懷林確齋

曾傳燦
青藜寧夏

獨酌村醪客欲醺知今天色正同雲風搖破屋一燈小
雨滴空江淡夜聞我自懷甘不寐子因何事苦離羣
天寒歲暮應相念那得梅花寄與君

寄別玉融諸子

林鼎復
天友長樂

北門言邁愁難寫南浦分攜恨莫窮欲決行藏詹尹卜
敢云身世步兵同壯心牢落浮雲外往事銷磨濁酒中
他日懷人勤遠想渺然天際數歸鴻

史千里就齋初成

陳維岳
緯雲宜興

榆錢薺菜一時新爛熳江南九十春灑灑林花明勝火
濛濛遠鴈細如塵幽棲擬結坏山塢痛飲還呼我輩人
莫漫憑欄增悵望中年哀樂易傷神

感遇

毛蕃
祥賓嘉善

玉露輕颺竹徑清一簾皓月動淡情悠悠世路誰知己
落落風塵幾不平天意只容畱我輩人間無奈此狂生

笑他裘馬諸年少爭似儒生擁百城

懸甕山邊范道士巢雲洞中作

王士祿

西樵新城

洞開爽豁碧山東幽草疎花映幾叢側栢拖嵐疑欲雨
亂泉送響不關風乍來便覺孤懷愜久住應知世慮空
心愧華陽真隱逸車音旆影日匆匆

村居

俞南藩

無斃吳江

避跡移家湖上村園荒猶見長龍孫煙巒翠落垂楊岸
荷沼香通薜荔門半榻風泉涼枕簟一簾梧月淨琴樽
籜冠久廢塵應滿淡徑無人倒履痕

書帶草

吳

翺

振六吳江

晴窗相對似披雲無字流傳石鼓文金谷初蘭誰作繪
水天却蠹不須芸宮人好句題紅葉內史揮毫滿練裙
安得康成箋註手一庭小草盡三墳

丰采樓

錢朝鼎

黍谷常熟

蕙連棟接與雲齊丰采樓高瞰日西一代勲名關社稷
千年俎豆付闍黎荒城夜靜江聲逼古鼎香寒篆影低
聞說直臣容聖主怪來時事已難稽

少年

錢中諧

宮聲吳縣

少年遊俠五陵豪意氣如雲照錦袍寒鎖畫樓封荳蔻
春回別館醉葡萄慣拋金彈飛黃捷學舞龍泉太白高
行樂不須愁秉燭朱門臺榭已蓬蒿

夾竹桃盛放

許

煥

堯文太倉

清言初集
西域傳來別種奇桃花竹葉兩離離移將十丈篔簹勢
做就千株爛熳枝解籜有風吹藥綻拂雲無力伴紅垂
主人手挹殷勤護好摘新英佐玉卮

滁陽覽古

徐乾學

健菴 崑山

環滁人說古循良太守風流此地長千載祠堂生碧蘚
數峰雲樹見甘棠山亭鳩鵲因時樂水底魚龍向曉藏
日暖騎驢尋踏遍殘碑歷歷識歐陽

昇元觀贈余煉師

湯可宗

胤釗 錢塘

蒼涼古觀迴人間仙侶招遊心自閒春暖星辰垂薜荔
晴空鐘鼓動溪山危橋石仄泉奔溜古樹巢溪鶴往還
避世無如此地好登雲崖畔守元關

題外舅小樓

董

訥

默菴 平原

畫閣凌空積翠微凭高一望淚霑衣鳥啼曲檻聲如舊
塵掩疎窗事已非寂寞琴書沉半榻蕭條門巷澹初暉
當年攜手登臨處惟有空堦草色肥

鄭州懷古

葉映榴

蒼巖 上海

明妃遺事千秋恨漢代邊功萬古譏但有佳人辭玉殿
更無老將到金微六宮環珮君恩薄一曲琵琶塞草肥
絕域祇留青塚在寒洲惟有白鷗飛

過白洋朱少保莊登黨山望海

徐

緘

伯調 山陰

故侯甲第傍汀涯望遠登高起壯思鼇壓樓臺孤島出
龍銜日月四天垂乘桴此際悲行路橫海當年大出師

白馬素車成間闊夜來風雨憶旌旗

寄莫大岸先生

朱載震悔人

緒風吹透碧櫺寒布被誰憐子夜單漫向窮途飛酒酸
遙期尺素報平安淒涼月下聽巖柝悵悵河東冷釣竿
莫更登樓頻遠眺大江無處不楓丹

魚窩望升華莊

袁佑杜少東明

官路城南潦水淡飛泉十里入松林荒橋危石愁行役
野寺閒雲靜道心幾處風塵戎馬過無邊秋色草蟲吟
耦耕吾欲來茲地沮溺高蹤似可尋

客梁溪曉晴城西卽事

張莊山農膠州

窗欵睡眼催人出郭外初來看翠微日壓海嶠天四赤

溪迴桃浪燕雙飛炊煙亂繞黃鸝樹漁網爭懸白鷺磯
夾岸蘼蕪仍宿雨不妨侵溼女蘿衣

飛來峰登高

查繼佐伊璜海寧

九日孤筇意與遙同人恰此共峇堯樹頭躡磴初無路
湖外看江正有潮山志不妨添好句僧心亦解聽吹簫
始知破界便無極佛火寒侵夢寂寥

訪蔣玉淵招慶寺畱贈

吳棠楨伯憩山陰

古刹迢遙鎖夕曛蘇堤歌吹靄朝雲相逢此地皆爲客
却恨微才不及君可有新詩如阮瑀能無彩筆似羊欣
風流任爾頻揮塵潦倒看余細讀文

晚出鶴林寺

宋曹彬臣鹽城

飄然客思繫孤亭曲徑穿林帶數星到處牛羊歸路險
一時烽火夜來青愁中白髮因山改定裏高僧有鶴聽
祇見米顛逸穴在杜鵑花事已冥冥

文選樓

席居中

允叔
錦州

樓外閒花滿地開淒涼惟聽鳥聲來六朝事業悲流水
千古文章憶舊臺斷簡殘編徒有跡古碑頽壁祇荒苔
人歸何處堪惆悵今日猶堪帝子才

春日集紀伯紫齋中兼送閻孝廉

李良年

武曾
嘉興

煙水城西第幾灣紅塵不礙車門開漸無花事催攜履
猶有鶯聲喚秉簡燕市酒人仍白下江南春色負青山
扁舟畏說張憑去客裏垂楊未忍攀

冬日采石曉發

詹大衝

圖先
江夏

寒月空明漾水隈榜人催起挂帆開夜淡有夢驚飛蜨
水落聽潮挾怒雷客路幾千塵外思人情強半霧中猜
披衣已見三山近問信江關探早梅

同李鏡月登西河高閣

王士瀚

蕺山
山陰

高閣同登似剡溪二三垂柳大橋西千巖翠碧驚花發
萬樹龍蔥聽鳥啼梅度江春方倚玉桃栽天半已成蹊
相逢今日當畱滯歸去巢成新燕泥

逢史大晉生送遊廣州

何之杰

伯典
蕭山

白嶽相逢擊汰聲誰知嶺外又登程南風五兩蠻煙黑
鶉火三洲海氣橫訪去仲康聽雉乳從來陸賈重羊城

莫嫌火種刀耕地網得珊瑚樹滿籬

送陳雲銘之蘄春

曹鑑倫嘉善

聚首天涯春復秋那堪剪燭話離愁樽開燕市誰同醉
鴈去湘江好共遊冰舍空懸徐孺榻布帆初挂李膺舟
欲知別後相思夜明月遙天楚水流

送家馭鹿叔還毘陵

蔣衡克平侯官

滄江碧草愜流連一聽驪歌乍黯然未了雲山畱異日
幾番風雨動經年布帆歸夢蘭陵酒驛路懷人劍浦船
別後倘無鞭策負探奇應溯溇湖煙

襄江道中

潘國祚燕丘上虞

畫舸搖搖逐曉寒江雲飛盡亂峰攢垂楊故作千行綠

楓樹誰知一夜丹萬古風騷存澤國五湖煙景問漁竿
好山過去休回首畱取歸時對面看

送翁武原之任黃州

吳任臣志伊仁和

高歌一曲唱驪駒才子驅車出帝都名父佳兒齊佐郡
西秦南楚各分符綠楊橋畔和風轉赤壁山頭春草鋪
此去洞庭波未靜請纓應許氣吞吳

睡蜨

袁時中來菴鄞縣

薔薇架暖午偏晴采罷芳叢倦態生魂化却驚持扇影
夢酣猶逐賣花聲都忘露滴沾衣重似怯風吹展翅輕
晝靜遽然誰喚醒綠鶯淡處有啼鶯

春雨

蕭廣昭文遠漢陽

雨裏偷閒讀舊書，蹉跎淡自負三餘。冷將鑪火頻頻撥，香爇瓶梅宛宛舒。簡冊丹黃存亥豕，卦圖奇偶見盈虛。吟聲斷續爭簷溜，也覺浮情一半除。

春正二日同友人飲黃鶴樓藤下

袁

滙

滄州通

難得春光兩日晴，人來鄉國盡同聲。移尊直上瓊樓坐，訪鶴還從棗樹行。幾葉隨波驚白浪，千藤盤石聽新鶯。夕陽欲下留君醉，歷歷晴川樹正明。

對雪

陸曾禹

汝諧餘杭

玉塵撩亂凍雲生，原野蕭條極目平。竹裏紛紛空有色，天邊細細總無聲。風翻始信蘆花白，沙遠猶疑露鶴明。借問此時高臥者，幾人閉戶少逢迎。

舟過金山

汪以淳

涿水漢陽

突兀奇峰壓海門，扁舟擊楫望中存。名山猶鎮蘇公帶，霸業難呼孫子魂。天闢蠶叢迷鴈鴛，地浮鼇極接崑崙。妙高臺上重回首，帝座崔嵬自可捫。

長沙送程伯建之官滇南

彭始奮

海翼鄧州

湘江煙雨鷓鴣啼，送子南征渡五溪水。盡蠻雲天漠漠，秋經別路草凄凄。交州自許歸銅馬，封事誰堪祭碧鷄。他日功成應醜酒，磨崖作頌點蒼西。

冬興

強

恂

邯山無錫

颺戾連宵度石梁，紅黃楓葉滿橫塘。山村酒社迎寒早，墅賭棋聲應劫涼。雪靜耳根乾竹響，日蘇鼻觀冷梅香。

披裘老子真豪邁不着寒酸薜荔裳

霞舉堂讌集

方膏茂與三桐城

客况蕭蕭底事違多君置驛啓柴扉醇醪百斗月同滿
子夜一聲雲欲飛疎放何妨歌白袷才華自古說烏衣
更闌懸榻知應下醉尉前頭莫浪歸

藝香山在長興縣相傳西施種香處

朱升日如長興

故國佳人思正長小山好景致難忘雨餘剩欲垂春淚
月底還應洗夜粧千樹冰痕疑妒色一枝雪暈似浮香
閒身老眼看花慣莫厭連辰數舉觴

荆州道中寄懷彭海翼

劉振鐸天木武進

昔別大堤同哭父今憐拜母淚交流十年贈錦知難報
兩度分金媿未酬鴈到倘還眠竹徑馬嘶應久望花洲
相逢莫話江南事海國魚龍萬里秋

九日飲山長齋頭

舒逢吉康伯廣濟

鴈聲嘹唳過西樓今古長安我獨愁磬折不趨丞相府
妻凉偏感故人留頻斟綠蟻凝雙眼誰把黃花插滿頭
取醉莫嫌歸路晚一鈎斜月正凌秋

千華菴詠十二美人花

胡亦堂二齋慈谿

十二鬟憑十二欄美人花發上方難祇聞蓮假觀音號
亦有松爲羅漢看環珮玲瓏嬌玉案臙脂點染膩冰紈
珊珊遲我東林下幾度相思夕照殘

卽目

丘元武慎清諸城

清言不集
白霧難消日氣昏諸峰曲徑擁冰痕鐘魚僧閉松棚寺
簑笠人歸檨葉村鬚斷詩籤蛛絡筆囊空菜把鼠啼門
年來塊磊澆何處江上停橈叫楚魂

題香草菴圖

江臯五磊齋桐城

豈是江潭憶卜居五湖歸去問吾廬秦人渡入孤槎畔
宗炳圖成半臂餘大澤波淡誰把釣名山地近莫藏書
蓬蒿不辨羊求徑仲蔚行歌獨荷鋤

春仲河上看花遇雨即東園小集

徐尊顯繩庸景陵

追隨蠟屐過東阡時雨春行二月天千樹穠華橫錦製
一枝素影出花田淡源曲岸迴清舫薄暮重門鎖野煙
白社開樽情更洽莫辭沉醉對芳年

江行雜感

王孫蔚茂衍臨潼

秋巖落日夜猿初一棹還家尚有書水部客游終泛泛
漆園身事任蘧蘧紅來山寺楓橋近翠冑江城水霧踈
客意已同飛鳥倦白雲深處憶吾廬

黃鶴樓

獨立飛樓尺五天環窗平野入尊前長江曉結千峯雨
大別晴開萬樹煙紫鴈北來迷楚岫白雲西去認秦川
憑闌愁看陶公柳舞却春風又一年

泣夢

張鳳紳六翻中郎

枕戈夜半夢歸秦相見妻孥訝未真話竹艱危魂破膽
思艷隔越淚沾巾已擽濺血酬僚友敢望全軀慰老親

樹影搖牕山犬吠忽驚鳴咽痛孤臣

和曹唐病馬詩

張喆存默華亭

駿足由來產渥洼爭看汗血走龍沙十年潦倒拳毛做
千里奔跼瘦骨斜豈羨駑駘銜短勒欲隨騏驎傍高牙
最憐伏櫪無人顧誰信當年是玉花

喜友人過訪村齋

喬萊石林寶應

僻處門無剝啄聲故人何幸欵柴荆因山架屋苔常滿
倒樹成橋葉尚生迸笋亂侵留客坐飛花誤入煮茶鐺
翛然相對清如水坐聽林間春鳥鳴

客桃源見市橋者

彭焱然石黃安

風流割據幾丹丘歷歷仙源鷄犬幽安邑主人肝一片

江陵奴婢橋千頭出關空憶梁鴻侶去國誰登王粲樓

回首雲山聞暮笛橫漳草木一時秋

晚步率吟酬客

丁克懋筠雪廣寧

佛龕經座儼僧家坐見殊方又削瓜細草疊成三徑繡
晚雲飛作一天霞畧無佳事親懷抱賴有新詩答歲華
書法何由君獨賞深慙春蚓與秋虵

九月阻風鄱湖渚溪

蘓良嗣小眉遼陽

閩南羈客楚江遊野岸無端滯小舟萬疊浪花浮別緒
一天風勢掃殘秋荒汀鴈集平蕪冷蕭寺僧閒清磬幽
鼓櫂春流成底事廿年回首思悠悠

琴臺

張叔珽方客漢陽

野漲平添詠溯洄孤舟撐太古琴臺緗桃隔岸飛殘葢
兔麥搖風結小胎流水知音千古識廣陵絕調幾人哀
從今只合開懷飲妙技曾教賞鑑來

寄贈毛子霞先生

田舜年韶初容美

江城風物近時清為有奇人把袂行上客由來令楚重
仙翁端合作韓兄優游極浦蘭舟遠縹緲高樓玉笛橫
誰道在山為遠志僅從天際望長庚

有懷蔣玉淵先生遙書此贈

遙聞江漢聚耆英黃鶴樓前杖履輕高士舊為三徑主
德星近傍九秋明方瞳待辨荆山璞直釣應收渭水璜
捧袂青雲難驟得渴中長自仰金莖

鳳山

徐洪基安士華亭

鳳山一帶列雲屏近對南樓草樹青獨立誰人題玉管
有時携客倒銀餅遙看雨氣連巫峽直聽波聲下洞庭
倘得他年還過此相期策杖採芝苓

對月有懷

李興祖廣寧鐵嶺

誰家絲管散秋聲鶴浦松濤洗月清鴈字已從天外落
霜花偏向鬢邊生光臨客舍羞詩史愁到鄉關動酒兵
跡似飄蓬無定處古今同此缺圓情

金雀

胡介祉智修大興

誰將小鳳綴枝頭自有嬌黃色相幽受雨偏餘紅藥艷
臨風暗送素香浮葵同蜜萼依晴日菊倩佳名傲晚秋

曲曲畫闌遮護好宜人春思漫登樓

玉淵旅寓咫尺為水所阻

走筆遣騎奉邀

魯錄以載孝感

久聞客興倦齊安返櫂歸來晤對難水下黃牛秋雨漲
濤翻白鷺漢江寬剡溪隔岸無舟楫清渭當門少釣竿
坐上同人稱契濶特驅駑騎一邀歡

集山巔納涼

李則友因兄江寧

皞皞初秋白日荒莫言秋後漸生涼天風不下人如醉
海月方升我欲狂漫擁籃輿過峭壁輕拖芒履踏平岡
坐來戍鼓催星落少長携歸夜未央

送名遠弟回西瀟

蔣尊詡友仲蕭縣

寒燈午夜說南之一曲驪歌對酒卮寂寂雙星輝碧落

飛飛孤鴈影天涯庭前翠竹居依舊江上梅花待幾時
此去北風舟易下好看楓葉任題詩

寄方伯徐公

王材任滄人黃岡

征南幕府杜荊州迢遞無因奉勝遊蜀道浪消巫峽險
楚江雲淨洞庭秋風前草木無戎馬天末音書望斗牛
見說政成多唱和近來悔不在楂頭

廣陵惜別

王翼夢文錢塘

明日天涯又客身相依一載倍傷神薰風不解吹愁緒
孤月何堪照旅人常共樽壘詩滿壁每看兒女淚盈巾
邗江浙水人千里帆過荒洲問白蘋

百角樓續集奉酬蔣馭鹿

蕭象韶虞九將樂

翬飛畫棟挹靈暉載酒憑臨盡日歸亂石停橈來黯淡
清談拂塵轉霏微主人自是王夷甫座客當今劉孝威
劍浦適來逢勝事登龍差與俗情違

贈王言遠先生

徐亭卓崙嘉興

畫省藩宣傍紫薇囊清但見鶴琴歸投簪北闕心常戀
躡屐東山願不違暇日癖耽文字飲閉居愛製薜蘿衣
更探丹訣留青鬢諫草焚來畫掩扉

沉香樓

蔣元欽子依武進

粧臺寂寂白雲留惆悵臨風憶故樓梁苑花飛千古恨
隋堤柳拂一春愁舊經鳳闕笙歌夜今見麟山草木秋
極目淒涼羈楚客聲聲腸斷五更籌

秋日渡錢塘江

李振裕維饒吉水

飄然一葉信江行回首層巒不計程海氣常浮天竺月
胥濤直撼富陽城石撐鼉蜃煙波古地圻龍蛇風雨橫
遠樹千盤迴曲曲竇鴻嘹唳岸沙平

粵東舟中寄懷鄉友

丁象輝原道鄧州

鹿門山雨暗春煙此別無須記往年去國暫斟隨興酒
逢人猶傍載書船曾經鸚鵡灘頭路誰慣梅花嶺外天
寄語嗁鶯聲漫切夢回新霽濕桑田

京邸秋懷

徐永基孝持華亭

天清木落古幽州客舍蕭條媿敝裘奮翮兩虛鵬鶚願
驚心三及棗梨秋榆關鴈度寒雲卷碣石風高夕照收

清言初集
惆悵羈孤空歲月黃金臺久付荒丘

送翁孟白之秦中

蔣 鑰 玉淵
武進

連牀蕭寺論詩日執手河橋送別情秋至漸丹楓葉滿
晴空初白露華生先從文選樓前過直向栢梁臺上行
自古才人遊賞地采風不獨是秦聲

學文堂讌集曹顧菴先生限韻

子夜揮觥咽洞簫沉香十石倚簾飄何人不羨鳴珂巷
有客同過洗馬橋為怯寒風侵碧幌虛期明月在春宵
溪談別後應相憶越水吳山幸未遙

清詩初集卷之十

武進蔣 鑰玉淵

選 後學馬道耕重校

錢塘翁介眉武原

蘄州顧景星黃公

黃岡葉 封慕廬

無錫秦松齡對巖

武進白彥良淳齋 定

五言排律

雨中望廬山飛瀑

徐嘉炎 勝力
秀水

巍巍天子鄣匹練隱寒光獨秀中江外遙瞻南斗傍屏
風雲錦疊飛雨玉綃張霧重凝成市虹飛漸作梁諸峰
連翠靄遠樹隔蒼茫萬仞芙蓉綠初春楊柳黃蠻煙迷
五嶺驛路迴三湘帆載彭湖月洲疑楚岸霜征人方佇

清言初集
目旅鳩轉廻腸明發康郎下淹留思不忘

大閱

徐元文 立齋 崑山

帝治澄河岳宸謨
御宴安德威揚絕
徼震疊靖廻瀾
秋彌三驅整春田
萬族歡御場開兆
陸左燾試師干仗
簇雷霆耀鉦摐日
月寒魚麗銜勁尾
鶴翼迅飛翰咨命
登方叔經綸統夏
官羅人收果毅鼓
吏習驍桓地用龍
爲馬車攻駁振鸞
董蒲青鐵簇蜀錦
紫絲鞞倏忽羣增
翠須臾九旆丹林
花鮮欲墮山果苑
相攢太白精芒躍
招搖爽氣蟠順時
昭敵愾伏戢兵端
猛士常分守雄兵
職控搏開鐘歸璧
澤脫劍掃瑤壇采
衛英風肅挺垓大
道寬止弋元有象
忘戰每持難將拜
華貂服軍濡琥珀

盤觀揚尊哲后奕地式弘觀

謁金龍廟

王光承 玠右 上海

淮海名州督江河
異姓王一麾移水
陸薄怒變滄桑日
月常離席風雲不
下堂雕輿駢虎豹
玉勒駕欖槍雷電
生虛棟蛟龍宿畫
梁潮聲丹陛裏雨
氣袞衣傷鱗介徵
羣族旌旄出上方
波濤千嶂夕螻蟻
萬金航圭璧空吳
楚威聲走混茫自
慚忠信薄祈爾護
餘艎

石城放舟後卽事言懷

龔鼎孳 芝麓 合肥

波浪兼天闊鄉關
到眼迷九秋遲鴈
帛萬里載鸞篋失
志因兵火逢人感
雪泥親朋仍故國
花柳本芳堤礎送
江雲北潮浮海月
西巷淡聞燕去城
古記烏啼往事消

橫笛何山穩杖藜時賢分管葛故老或夷齊莫擊中流
楫惟驚動地輦世堪悲舞馬吾欲羨乘鷺丘壑身無恙
煙霞屐早攜窮途辭猛虎淒怨報莎鷄荻老催殘雨花
淡想舊蹊田園三徑改圖畫片帆齊危石看鷗度斜陽
藉草低避人多難役決策一峰棲白社招宜入丹崖路
可梯放言存遠志隱几見天倪叔夜交常絕文通恨懶
題百年家國淚回首溼青溪

禹陵

葉

襄

聖野長洲

寂寞塗山會蒼茫越海東星辰環斗極風雨壯幽宮玉
帛當年盛衣冠萬祀同守珪嚴郡將佩玉列羣公畫廡
莓苔碧陰廊薜荔紅岡巒廻日月棟宇鬪蛟龍窆石蟲
書古穹碑鳥篆工泉源畱儉德伊洛想神功配極尊河
嶽憑高俯岱嵩千齡垂廟饗百谷儼朝宗

江中遊歷

王

鐸

覺斯孟津

水驛胡爲至今人診旅魂悠悠辭栗里泛泛認星殮老
木當孤枕虛篷過閭門妻孥多疾厄寇盜更崩犇撚箭
無安席操刀廢舉鎗霜增涼月白江截亂峰翻蘆鳥如
曾識哀笳不忍論六千餘道口一百幾煙墩獨語奚爲
伴空林似是村招提看錫影石窟繫舟痕蠻唱風生籟
沙洲竹拗根有時來釣叟何日離啼猿兄弟家書遠金
鉦骨骼存人形紛黠詐土色帶煩冤老淚揮花木窮鄉
念子孫乾坤愁自覺髮髮感誰恩落葉辭龍浦歸鴻過

華門至今八九載血淚夜中吞

送孫枚先太常祭告南鎮南海

王士祿西樵新城

玉帛開王會簫韶協帝庭明禋三禮重
矜嚮萬方寧北闕辭卿月南天入使星
紫泥輝驛路彩鷁候江汀宿雨梅梁黑
蠻煙荔浦青雙珪垂日月百谷盡滄溟
伯禹神功峻陽侯炎紀靈山川俱效順
黍稷實維馨頌德傳碑版探奇驗水經
嶺枝如可折先為寄長亭

海螵

吳偉業梅村太倉

不肯依墻壁其如羅網偏文身疑蚪篆
長髻學螺旋跼足蟠根固容頭掩的圓
但能防尾擊誰敢陷中堅氣及先聲取
髀存裏肉捐空虛寧棄擲辛苦是連蜷
處世遭多口浮生悞一鮮白鹽看雨後
紅釀向花邊入穴鉤難致呼門慘不前
廻腸紫鎖甲髓脚怨刀錢海粟蝸廬滿
蟲書唇市懸知君爾雅熟為譯小言篇

三月三日泛舟即事

錢謙益牧齋常熟

風光雨又晴上巳更清明節候今年異
遨遊此日并烟巒開水國雲錦閉山城
岸綠攀還折隄青踏欲平執蘭修故事
插柳惜芳情新火紅粧出香塵翠袖生
就花拈舞蜨揀樹聽啼鶯泔泔移舟緩
盤回去馬爭歡娛窮日夕燕賞及時清
醉眼牽花影歸心帶鳥聲酒依金谷數
詩儼麗人行襖畢還相賀春衫試體輕

汴梁城樓感賦

孫蕙樹百淄川

登陴臨汴地憑弔意迢迢南渡餘光壘東京想盛朝大河連郡郭中嶽出雲霄雪沒梁王草波翻檢點橋吹臺時見月緱嶺夜聞簫詞賦應劉盡勲名衛霍饒金隄塵漠漠玉勒馬蕭蕭濁浪天吳拍青蕪野雀驕籌邊何事急獵騎射秋鵬

過一蒲菴贈閻再彭

陳台孫階六山陽

偏側乾坤內逍遙寄一蒲未能工俛仰聊爾學跣跌半畝揚雄宅千金范蠡湖平原風謾謾高閣寐于于浩蕩空中影飄搖澤畔菰壁書藏琬琰架筆飾珊瑚杞國憂難輟剡溪興不孤遠公持妙偈平子握奇珠得句兼庾謝埋名抗顧厨山中尊鷺鷥市上嚇鷓鴣閉戶三時課

開軒萬幅圖偶來尋薜荔因得掇薜蕪僧出機團寂人稀谷水愚堦前牽灌莽屋角竄精彪不見康成婢猶逢穎士奴無聊強說鬼多難欲占巫漁父奚從問靈均未可呼野雲迷斷岸落日照荒廬行路悲狂士謀生笑腐儒茫茫歸權急搔首獨踟蹰

許寺夕度舊宅

徐緘伯調山陰

一日高人宅千年淨域開樓臺存晉姓朝市隔秦灰龍象栖蝙蝠蓮花繡石苔天臨雙塔迴殿轉衆山來驟雨鳴饑鶴微風落早梅郊煙春樹密海月晚鐘催客滯逢花發僧貧數燕回闌干城外近寇盜角聲哀

夏日汎舟碧浪湖

吳山濤岱觀仁和

南陸薰風轉晴雲峴首開榜人停柁待津吏唱騶來地
踞西吳勝天當孟夏回仙鳧王子烏綠蟻晉公杯錦纜
徐容與牙檣任溯洄綺疏浮几席彩鷁動樓臺復嶺連
蒼弁雙溪注笠梅岸蒲搖節短汀芷露香纔倒影翻青
嶂重陰滿翠苔仙舟觀李郭雅調和王裴擊鉢新聲出
題裙素女裁永和全盛日大曆下羣才簫管中流發詩
篇細雨催酒同巫峽倒人似玉山頽漁火千林遠僧寮
一磬哀庾公興未淺乘月上崔嵬

五月題雪崖滄浪閣

劉肇國阮仙
潛江

池上嶙峋閣淙淙五月寒盤旋新舴艋堅樸古闌干地
接城闌近堤連野岸寬石榴飛琥珀翠篠立琅玕展齒
東山健清樽北海安鬻魚多鯁鯉砌草半芝蘭有客欣
投轄無人自着冠種花咨郭橐聽鈇愛馬驪得句邀余
賞洗心與佛看鶯聲猶未已鳴鶴在雲巒

鄱陽湖

陳之遴素菴
海寧

東南龍戰日高帝有神謨滅漢先勅敵平吳俟後圖風
颶隨仗鉞雷電起威弧立國規模異典師順逆殊戈船
趨地利枹鼓震天誅帝座妖星過軍聲駭浪俱幾年爭
逐鹿一矢殪封狐自致烏江敗寧容赤壁連發蒙收漢
沔拉朽下姑蘇從此皇輿集空嗟霸氣徂寒沙沉白骨
折戟亂青蕪月浸鴻秋叫燐浮鬼夜呼廢典誠有數策
力古相須勝許畱侯決忠憐紀信孤人豪非曠世聖主

為前驅千載雲龍會英風尚滿湖

新秋釋奠紀事

嚴 沆顯亭

於樂開東序明禋及早秋黉門星欲曙璧水露還流祭
藻清泉潔陳牲旨酒柔煙寒庭廡潤風肅鼓鐘幽莖夏
縱金備箭韶舞羽周苾芬升黍稷盼饗荅柴禋息馬看
論道環橋值獻囚趨陪欽聖澤文物滿皇州

謁虞山廟

謝天樞爾玄

荒山存古廟絕域見重華交戟松杉侍淡幃薜荔遮誰
知蒲坂化已入楚湘遐天墮蒼梧雨風揚大麓沙薰琴
炎瘴解蠻鼓歲時譁山鬼扶金蓋江妃泣玉珈螢光驚
夜燦龍盾綴秋葩橘柚庭仍貢鴛鴦瓦欲斜茅茨寧似
昔藻火亦何加屋漏月行蟻爐香蘊蠶蛇樵漁天子氣
木石野人家望幸虛猗窟傷心割蜀巴長遺萬國恨翻
起九疑嗟咫尺威難犯幽微德不瑕郵亭喧祭錡寢殿
曬袈裟寂寞南巡地空勞使者槎

張坦公方伯邸舍招集同人

即席分賦 陳祚明胤倩

正會輪裳合元公燕喜私佳辰鄰曲水勝地似南皮揖
客聯珠履開樽啓絳帷應劉班後乘枚馬托新知行炙
圓方簇傳杯監史遲興闌膏燭短坐密羽觴移細雨侵
庭潤輕風入幕吹酒方河朔飲人是永和遺貧豈夷門
傲歌同燕市悲敝裘韋帶緩長鋏蒯緱垂管輅三升後
孫陽一顧時暫陪賓從末多媿穆如詩

雪中晚歸李段邢三君子至

邢將赴永福令

陳廷敬

說巖澤州

行遊遵北渚飛霰灑寒汀小苑堆銀榭西山點翠屏驟
逢驅騎返密作下簾聽蓮客三人集畱歡二妙停碧凝
扶檻竹紅溼隔窗燈玉笛吹何處霜砧響客亭坐中風
菽菽天外氣冥冥一嶺江流險千巖桂樹青蠻方花自
異天柱鴈曾經惜別春明外相思倒玉餅

通惠河汎舟

丁

焯

澹汝晉江

徑鑿神山水仍通郭外船輕流三十里遠滙百重泉縹
緲含秋雨空濛浸曉天園黃梨棗熟沙白鷺鷗眠風剪
萍花碎露傾荷葉圓漁村依別渚獵火接平川柳岸淡
藏塢花蹊曲繞田午橋莊迤邐金谷墅周聯似出長安

道如經灞水邊江湖心自戀舟楫意徒懸客興逢新月
王程憶舊年滄浪多釣侶閒詠濯纓篇

壬辰五月雨中再赴伯巖

招白商三先生同集

申涵光

鳥盟廣平

數子追隨地重來正一年衝泥憐病馬出郭伴鳴蟬戍
占下家聚樓高十里縣林泉俱掉臂風雅得隨肩老罷
尋山屐貧嗟買竹錢鵝經臨鐵畫鶴蓋引金仙接杖高
人至占星小邑傳半生猶悅草萬事已驚弦遠夢清笳
外孤燈白髮前迴腸看倚伏結舌謝尤愆覆徑高杉冷
浸池錦石偏眼昏仍布奕肺病莫爭拳鄰舍攢花嶼兒
童拂素箋汎甌刁酒白煎雨芥香鮮風物追前會身名
惜逝川不成歸浩渺何日遂孤騫雲暗畱徐榻煙生訪

戴船天晴分手去世故各茫然

行次徐泗述懷六十韻

周體觀伯衡遵化

連山出郡郭落日大江濱野館蓬蒿滿嚴程雨雪頻車
 徒同况瘁衰邁久風塵年逐滄波逝愁隨白髮新墟煙
 分戍火湖水浸城闐柳暗淮南路雲低泗上春子房終
 去漢景略竟歸秦出處從時會安危繫屈伸鴻飛彌自
 遠龍性本難馴感遇傷遲暮無棲遂隱淪浮生猶拙計
 老病負良晨永日聞邊角長歌對釣緡班荆不盡淚挂
 劍更何人匹馬經千里扁舟記五旬窮途悲阮籍投轄
 憶陳遵自悔登朝淺何辭歷歲迤不才陪諫議無力奉
 絲綸折檻遺丹悃分符去紫宸吳江空抱影帝里復誰

親海燕慚高棟桃花引去津望雲迴白首久客厭青蘋
 軍旅哀勞吏征輸困細民風波隨震蕩天運苟慈仁數
 撰椒漿頌行吟菊水垠扣舷排逆浪伏枕滯孤臣大庾
 烏蠻國虔州瘴海濶毒溪防轉疾沉雨解傷神嶺鳥啼
 如訴山梅色勝銀殊方矜檢藥殘署重畱賓勾漏同誰
 去春醪每自巡淹畱移燕壘踪跡溷漁巾退食晴光早
 攤書夜火勻炎荒增軼軻絕域頓荆榛萬里圖歸棹窮
 年臥採薪書封勞繫鴈衣結愧懸鶉寇盜多相怨安全
 或為貧溢江初浩渺廬嶽迴嶙峋蘿薜思禪性琵琶弔
 曲脣詩篇恣興會山水賴陶甄細葛成南服輕帆向北
 辰移家問風俗浮旅就婚姻兒女還相見壺漿聊具陳

入牀聞蟋蟀借圃看松筠老斷門徒與居慚俎豆鄰娉
婷元不字衣鉢欲存真諸弟埋衰草孤雛倚病身干戈
纏涕淚門祚博酸辛再渡汶陽水長驅薊北輪底睡穿
木榻觚竈煮秋尊起舞髀堪拊迂謀手自龜行藏應有
定偃蹇更無倫未悟柯邊夢羞稱席上珍蒼顏憐羽翰
黃閣看麒麟荆玉懷三獻蛾眉愛一頰塗泥憂鹿鹿溟
渤走踈踈將老成漂泊何年辱縉紳寒蕪驕鷲隼煦沫
慰窮鱗徒下楊朱泣虛糜子敬困憮然豁繁促百慮總
前因

思陵長公主挽詩

朱鶴齡長孺吳江

國步方顛躓宮儀尚肅清終令遺體弱長斷合歡情往
事妖氛盛神都殺氣平栢梁飛枉矢椒寢墮攬槍貴主
將開邸粧臺失佩珩蒼黃殉宗社慷慨及娥英奮劍恩
慈割殷衣血淚橫豈知桃李詠還叶鳳凰鳴羽服違初
願癡肌恨再生重飛吳市鶴強和洛川笙粉黛悲新市
煙花愴舊京誓依靈寢去俄向碧霄行奔月瑤娥影乘
雲帝子精風雷開隧道霧雨暗銘旌無復陳哀誄何須
有賜塋應知仙嶺過不作鳳簫聲

重建真如寺塔紀事

曹溶秋嶽嘉興

忽動登臨興滄桑運欲終此邦還沸土卽事驗神功域
控坤維勝秋開梵宇崇勢平吳楚坼瀦秀舳艫通翠色
沿天目朱方配祝融新猷推巨鎮舊恨泣長弓曆告旒

蒙紀僧分劫火聚讖妖隨改玉海湧竟飄蓬十載虛珠
闕羣謀考紺宮數屯高士至教感故情同瓢笠營仍苦
山河氣遂雄萬夫爭效力百仞倏穿空飛聖明湖雪懸
梯接嶺風集思喧匠石閒眺走兒童戶鑿貞珉巧峰移
架木穹遺民驚萃律殊邑見玲瓏鰲極蟠玄礎虹梁覆
錦幪摩霄惟一柱立表必居中遣使三韓北掄才五管
東應圖來怪偉獻瑞出雕礪拏攫龍鱗起崢嶸鳥路窮
選辰升絕頂履險惕微衷野處心多豫禪棲業易工露
盤需結構藻井得冥濛近壓城堯黑遙看島燧紅雨煙
歸畫彩星日晃金銅紫鳳銜鈴小青蓮插座豐拂雲銷
鼓角布地警昏聾舉墜便緇侶題名仰鉅公吾衰遊覽

倦時許望崆峒

陪朱大司馬雨雪行河

顧大申見山華亭

禁籞司綸紵槐除掌玉璿朱宮花珮肅畫省月卿聯秀
葉金莖際仙根寶婺邊射魚胥浦上題柱石樓前太乙
藜爲火彤墀漏是蓮青蒲朝視草鈴索夜傳宣勅騎飛
龍入鳴珂銀榜縣人倫郭有道著作應休璉學植三墳
足天鈞四德全王珣頭正黑疏廣綬方玄上念漕渠重
新銜樞府專紫泥初降詔白馬乍沉淵少宰儲鹽鼎中
丞導百川于蕃方岳命作貢禹書篇上殿星辰履清秋
霄漢船登高雲物麗寵賜御袍鮮飲餞東郊滿歌驪洛
下傳奔流河九曲交戟士三千駭浪陽侯伏牙樯錦纜

牽片帆通海國匹練望江天吳楚浮香稻淄沂擾白泉
嚴冬臨北陸朔雪滿河堧旄節停孤戍幟帷薄曉煙馬
嘶霜鏡滑帆沒大荒圓高碣金堤路寒蓬沛國田負薪
登瓠子投壁出于闔望祀周王禮觀風漢帝年單車供
億簡信宿候迎便鄭圃雙犀峙梁園曩鳳堅可須淇竹
捷應省水衡錢劣植承奔走疎庸列後先技窮悲拙鼠
嗚咽類寒蟬有賦追班固無刀佩呂虔筆牀蟻陣結風
碓杵聲穿叨忝分郎署趨陪侍錦韉駑駘時顧盼燈火
夜流連細卉憂刊落高雯豈棄捐幸能投鑒別期不負
陶甄銜石同精衛乘槎憶斗躔何年藉搏掬驪首泰華
巔

灤河放舟暮登釣臺

宋 琬 荔裳東萊

放櫂下飛湍川原正薄寒岸遙沙似月霜冷葉初丹漆
水交流駛灤江引派寬篙師輕舴艑石子碎琅玕歸鳥
紛何向秋雲無定端村煙林外暝野燒谷中殘日脚連
紅袖星光滿碧瀾高臺臨瀕洞孤嶂插巒岼狀類三尋
戟名同七里灘陰崖巢鶴宿淡瀨熱蛟蟠石筍堪爲杖
藤鬚或礙冠橫槎施蟹斲束葦照漁竿山鬼嘯還滅驚
鷗去復安客懷方悄悄徒旅欲暎暎勝地迴舟懶勞人
載酒難北崦松桂好更擬撥雲看

謁劉文成公祠

朱彝尊 錫鬯秀水

草昧經綸日英雄戰鬪年真人淮泗起王氣斗牛躔命

世生良弼卑棲役大賢一官曾簿尉千里正戈鋌記室
依袁紹飛書謝魯連神鷹思飽掣威鳳必高騫漢祖除
秦法周王卜渭畋廟堂才不易束帛禮宜先遂有君臣
契能令帷幄專南征頻克敵北伐旋摧堅王會收三統
軍謀出萬仝河山分帶礪冠蓋儼神仙未辟畱侯穀長
辭范蠡船麒麟當日畫竹帛後時編一自丘陵改重愁
歲月遷隆中猶故宅繇上少封田舊俗還祠廟清歌入
管絃黃金遺像蝕鐵券幾人傳古瓦鼃鼃落荒庭檜栢
圓蛛絲虛寢胷鳥跡斷碑眠想像陰符策流吟寶劍篇
前賢餘事業後歿尙迤邐去去辭粉梓栖栖到海堧空
林多雨雪哀角滿山川玉帳無遺術蒼生久倒懸憑畱

一黃石相待穀城邊

將之塞上呈汪苕文農部

李良年

武會嘉興

出塞將炎月辭家屬早春間關憑異地奔走逐征塵莫
訝臨邛客多慚入洛人築宮虛碣石開閣渺平津少日
耽詞藻窮搜笑等倫瀾期爲砥柱源欲溯江岷實類三
都拙渾忘陋巷貧端居昧生理雅志在經綸竽瑟違齊
好璠璣閱楚珍登臨諧夙抱攀陟此良辰轅下仍歌鳳
臺邊想獲麟黃河流浩淼泰岱勢嶙峋行路難猶昔干
時數益屯含愁非衛玠不樂似崔駟敢信文堪賣懸知
德有鄰勾吳才挺出華省筆如神白璧何論價銀章已
致身長卿終侍從方朔豈沉淪貢墨隄麋貴花箋側理

新羣公追正始夫子極淡醇待漏陪清瑣薰香近紫宸
朝回接風素坐次豁天真兼肯酬支遁還疑類許詢談
空恒疊疊持論轉循循後起看承蓋前賢歎積薪汎舟
殊訪戴投轄幸依遵京國招攜罷關山入望頻更嚴悽
鬢築谷險怯車輪大漠原趨漢長城直控秦防秋餘壘
在避暑故樓湮雕鶚分屯戍鴛鴦問水濱時平紆北顧
歲遠記西巡惜別雖千里睽違只幾旬從軍寧我願草
檄久無因河朔劉松酒江東張翰蓴仙郎儻相憶慷慨
報情親

天壇晚眺

彭孫貽

仲謀海鹽

崇垣周輦道雲物鎖園丘大典刑牲帛祠官識冕旒銀
潢扶砌落珠宿抱壇流二祖功殊絕羣倫博詢諏乾坤
含一氣岳瀆視諸侯神鼎高陵闕齊宮御蹕留綠苔蟠
古簋香草入空占夾路松陰直虛簷鳥跡收兩京分郊
廓百戰定巖劉五馬今南渡三山擁上游長江龍虎地
孝廟石羊秋何日論封禪皇輿奠九州

送熊敬修學士假歸覲省

沈 荃

釋堂華亭

道洽三階正歌傳四牡新儒臣原致主孝子暫辭親公
輔儲一貴風雲遇巷真崢嶸膺簡命清切掌絲綸蹕向
甘泉扈經從甲帳陳淡宮勤啓沃前席屢諮詢語必垂
謨典忠能格笑輦人倫宗郭泰經術邁崔駟温室朝歸
後齋居講罷辰白雲縈遠夢丹陛乞閒身許假宸慈渥

嚴程寵綽申銜恩辭禁闈省觀歷江津母節南山壽臣
心北闕春賜衣輝袖錦調膳進羨尊烏鳥情雖戀驂駢
望更頻明良方一德庶績待陶鈞

夏邑崔郎中南郭友園

曹爾堪 顧菴嘉善

南郭通幽處千竿竹一區板輿頻掃徑別墅偶提壺亂
草芟蟲母名花雜鼠姑刈葵猶爛熳嘗笋最芳腴潦積
鳧爭浴煙昏鶴轉孤孟公優短札亭伯述嘉謨雅量泉
爲讓忘機谷是愚儘堪娛菽水何暇較榮枯飛笋狂夫
興抽簪達者模掀髯供嘯傲農圃信吾徒

馬鞍山

歸莊 元恭崑山

馬鞍特陡拔西北倚崑城勢壓婁江近疆連茂苑平崇

岡仍坦迤絕巘自崢嶸梵宇林端出浮圖雲外擎危崖
森古木曠域麗雕甍湖蕩千舟網原田萬耦耕憑高從
野客搜穴待山精礪空生奇石玲瓏類斲成室中髹几
供花下古盆盛往代多人物先朝益挺生文莊勲絕大

葉盛恭靖望尤清 朱希周理學莊渠著 魏校文章太僕名 歸有光

皇輿當敗績臣節競垂聲不是憑靈秀安能產俊英勝
區傳自古美景廢于兵丘壑元無改樓臺半已傾各山
多寄跡拳石且娛情自少攜樽數雖衰振屐輕林花愁
驟雨谷鳥喚新晴乘此探幽好兼之眺遠明桃源窺洞
窄鳳石叩聲鏗文筆峰千尺玉泉井一泓陽城春水闊
秦柱暮雲橫邨落何皇后園亭顧阿瑛高篇東野唱古

調半山賡城市雖難隱岳巒孰與爭殘陽扶杖送皓月
倚樓迎林下宜棋局花間稱酒觥山形同立馬人意似
懸旌自笑空飄泊窮年何所營

喜黃公還里

徐惺江干園

已作經年別誰期今再遊到門湖水白放眼野雲秋孤
鶴遙相喚冥鴻肯不畱荷香生遠岸花影上汀洲醉訪
陶彭澤書尋李鄴侯寒煙仍泛艇明月又登樓方遂還
山樂安能對影愁家園叢桂老風雨話無休

壬寅五月四日作

施閏章愚山宣城

今朝何偏側昨歲太騫騰酒厭湖干醉山尋天竺登林
嵐頻出沒海日迴憑陵窈窕塵囂遠空濛黛色增輕身

同鳥捷峻嶺似孫升徙倚三生石攀援萬歲藤洞門雲
鬢隼樹杪峽奔崩靈鷲飛將去玄猿呼欲應諸天真咫尺
巍剎疊峻嶒新茗全烹雪寒泉不讓冰與移無可歇
心賞遞相仍細路迴千折危岡上百層窟溪穿虎豹松
老掣鵬鵬寂坐天香發孤吟夜氣澄狂夫矜彩筆山鬼
妒明燈風雨纏樓閣星辰逐寢興從遊希健客畱偈別
高僧放浪誠何有冥搜得未曾至今思躡屐猶自夢擔
簷奇岫宜披豁荒城苦鬱蒸艱虞情驟減跼踖恨難勝
絲竹違安石蓴鱸劣季鷹漸添霜入髻那盡酒如澠會
去觀滄海重題繼駱丞

遊敬亭山

吳統持巨手嘉興

宛陵春雨後花氣入空濛策杖尋幽去綠溪與夢同寂
寥雙塔影迤邐曲泉風徑轉疑無寺林深度有供好山
看不厭遠瀆望難通舊事徒搔首餘年合反躬此邦仙
吏隱屬邑祖庭空黃檗燈何許青蓮句自工亂雲翔鶴
子軟草息牛童魍魎藏頭久鴝鵒尚口窮初聞樵斧動
已覺夕陽紅十里泥塗易雲堂木主崇羣公須上下老
馬任西東千載昭亭路低徊暮靄中

珍珠簾泉

毛際可

會侯
遂安

峰嶺遙無際茲泉迴得名自將懸石溜散作雨花聲淅
瀝隨風斷霏微映樹明龍湫雲外滴僊掌露中擎遠似
來千嶂淡惟聚一泓乍遊迷漢魏久住失陰晴遍灑松
風夢彌知洞壑清塵纓應暫解亦覺道心生

仲廟

陳玉璣

椒峰
武進

古廟儀型肅先賢俎豆存萬年成土著百里滙洙源
艇觀瞻竦登堂仰止尊衣冠垂碣石棖棟並乾坤賜第
明君澤圖容宋主恩松杉環戶牖鳥雀聚朝昏山勢龜
蒙繞河梁濟漯翻神靈憑一室苗裔散千村丹雘隆昭
代簪纓逮後昆慚爲齊魯客欣入聖賢門摠拜聲容屏
賡颺敢易論

會葬張太史西銘先生

陸圻

麗京
仁和

執耳高吳會鳴珂列漢員龍門瑤海重鳳詔石渠宣梁
冀誣皇甫揚雄避董賢平原鉤黨急汝穎德星圓京兆

無張敞三都有茂先空令投劾去不比棄繻還虎豹當
天路龍蛇入歲年玉棺身竟逝斑管望尤專野有林宗
淚家揮子敬絃所忠還奉敕宋玉采遺編金價頒秦闕
蘭臺進御筵何須邀祕器已得寵幽泉薤露隨車旒松
風引墓田客來千里外魂傷九秋前玉樹金蠶禮生芻
絮酒緣茅容奔太尉魏武祭橋玄鬱鬱滕公室凄凄丁
令仙門生封馬鬣神物指牛眠顧我慚猶子通家尚比
肩東南誰國寶左右執絲鞭千丈棖梁折雙騎箕尾邊
但攜徐孺鏡如上李膺船滂灑松銘碣秋橫峴嶺烟名
陵今已矣江左更紛然周福譏房植辛垣媿魯連椎牛
妻子笑畫虎俠徒偏賭此盤中血翻悲隴上阡燕文難
得綬綵筆有誰傳麟狩終須絕驢鳴自可憐高門宗泰
岱長劍倚冰天他日西州路還吟子建篇

長安燈市

程可則周量南海

華燈懸市徧新樣鬧更闌蠟炬銀為焰霜柑蜜作團生
花嬌蜀錦剪素壓齊紈方弛金吾禁爭吹玉笛殘健兒
繁鼓戲小妓坎篴彈竹馬喧童子藤條過大官葡萄猶
挂綠橘柚遠含丹帖燕形飛動游龍勢鬱盤溫柔香國
大樓閣酒腸寬為語無衣者今宵勿苦寒

高雲閣賦

惲格壽平武進

方翦元卿徑同披宋玉襟畫雲開北苑製藻得南金久
客忘吳語論詩屏鄭音毛公漿自美袁虎醉還吟隔竹

涼生笛停樽意在琴擊鮮非砍鱸無果羨來禽蘆笋犀
文滑新羅虎魄沉月高庭草暗雲亂井梧陰螢起仍依
砌鴉棲欲繞林微風先動柳斜漢未橫參鷺嶺羣游散
文園肺病淡流連今夕飲轉憶在山心

禹陵

毛萬齡 大千
蕭山

鑑湖開翠鬱禹甸舊山川孤隴臨碑碣相傳接墓田樓
臺非一日風雨自千年不識衣冠舊空聞宛委全梅梁
驅未得窆石倩誰懸苗裔多零落清明乏紙錢泉聲穿
石響鳥語隔山傳絕壑千谿路淡松一帶煙橋低通野
店水曲聚春船游女臨花笑樵童藉草眠喧餘山更寂
目斷夕陽天

代贈戲微元白體

王士禛 阮亭
新城

憶在垂髫日各先姊妹行才皆比荀憲人獨過哀光共
折珊瑚樹同居玳瑁房鏡臺初畫黛曲巷始乘羊麗玉
年猶少瓊華齒最芳風流嗟昔昔歲月去堂堂紅豆空
垂實青梅憶遶牀兩心如半字千媚各中央水似雙流
闊山如九疊長那能知謝韞便許嫁文鴛病倦消眉綠
愁多減額黃夢過金鴈驛書斷碧鷄坊扇侶辭丹鵲琴
心別鳳凰鬢烟消汜水屏翠掩瀟湘白製離鸞曲慵過
射雉場空聞迷下蔡何計見稠桑櫻笋風光早梧桐池
館涼一生揀決絕十載復相望暫避還含笑微嗔欲斷
腸經時思玉葢今日遇唐昌烏析相思羽霞畱如意剗

似添新婉婉未減舊清揚
盧女姿元媚袁生態尚狂
微辭邀宋玉作意惱陳王
私欲同蘭畹何由結蕙纒
畫樓金屈戍寶髻玉郎當
越燕雕釵股吳縣漬薄裳
青山對疎箔殘雪響迴廊
洛浦神難合文園病益傷
空餘紅淚滴愁思問橫塘

崇河夜泊值雷雨大作紀憂

李念慈

岷瞻涇陽

妒女吹颺急高秋逆浪行
夕陽連雨脚淡櫂趁江程
決口旁多有隄防漲盡平
村浮彌北望稻浸失西成
晚泊依荒汎孤槎倚戍兵
鄭睢猶對面雷港阻前迎
只此橫流漾真煩衆力爭
岸低憂下虎濤捲駭奔鯨
丁夜聲尤惡陽侯禍慮櫻
四圍陰競合五兩注長鳴
閩鬪千軍壯掀揚一葉輕
震雷無斷響急電竟常明
勢拔重湖起愁翻大陸傾
沉湘難指辨江漢恐相并
馳驟蛟龍困崩騰虎豹驚
直看回盛怒始覺有餘生
版築何時已兵荒亦屢更
流亾滋壑轉賦斂急誰擎
天意真難測人心悔不萌
病身雖脫免獨恐飽香秭

春日遊洪山寺

牛

真

潛菴長治

山川互繇亘宮殿鬱崔嵬
白玉千尋築黃金十笏開
雕牆懸薜荔畫壁長莓苔
纓絡獅王座栴檀鹿女臺
蓮峰空色相寶樹拂塵埃
妙偈黃龍授藏經白馬來
擲杯虎退渡咒鉢蟄驚雷
舍衛傳心印恒沙隱劫灰
九微先照耀八水浪滌洄
泥潤青添笋雪銷紅綻梅
層崖光縹緲

清言不集
飛瀑溜喧豗，畱帶尚書事。題碑刺史才，三生慙夙悟。瞻禮數徘徊。

賜藕紀恩

陳維崧 其年直興

霽旭升黃屋，風潭敞碧城。君王臨水殿，曉色冷蓬瀛。鳳舸遵遙瀨，龍堂擢秀莖。低拳波碎濺，小摘蔓斜縈。堆去銀灣滿，攜來玉臂輕。早涼侵素奈，內熱笑朱櫻。爽便寒鉞削，鮮宜雪椀擎。迺鑿纔北渚，懷菓徧西清。是日歡尤劇，移時感倍盈。多年遭汨沒，一勺荷生成。詎料淤泥質，終承採掇榮。孤芳長襲襲，晚節信硜硜。夙世蓮臺種，他年華頂行。皇都霑杏酪，澤國想尊羹。羨折罷絲還，在拋殘酌。又生歌魚欣，藻密向日效。葵傾節植今，秋閨宵憐晦。日晴恩光渾，不夜萬里總。瑤京

秋日再過王官谷

吳雯 天章蒲州

表聖幽棲處，白雲解鬱蒸。典型終古峻，頑懦百年興。空谷何人到，孤亭我再登。磻花纏細石，巖樹曳高藤。危磴千峰翠，飛泉萬仞冰。清暉聞白鴈，爽氣擊蒼鷹。詭激寧傷直，徘徊轉見弘。哲先迷柳璨，節已信王凝。龍紀辭榮早，鸞臺飲社曾有懷。方墮笏無碍，任分繪花院。誰畱客苔龕，尚見僧避喧。勾漏並絕粒，首陽仍勝日。詩堪述秋霜，史亟稱只今。書劍外何處得良朋。

觀查東山孝廉徐映薇

太守女樂戲呈諸公

董以寧

文友武進

每因多病日，却憶少年場。選伎徵前部，邀歡到後堂。歲

蕤藏少艾欵段繫垂楊仙引劉晨路鄰窺宋玉墻醉教
纓盡絕溷促翠重粧冠挂搔頭薄香畱繫肘囊玉臺曾
侍咏金谷舊飛觴世事蒲猶綠年華柳向黃相逢還鮑
庾過從復金張座擊珊瑚樹泥承玳瑁梁冶遊停下澤
歌舞聚平陽共作當關客聞呼記曲娘綺筵方合奏銀
箭未渠央新月鈎蓮襪微風露茜裳身輕隨燕語腰細
出蜂房寵擅荀家鶯聲傳梁氏鶯細聽俱按拍近睨各
移牀荆玉猶無玷秦珠獨有光芙蓉明小袂芍藥艷華
襠似覺眉頻語遙知體自香火齊吳姁見琥珀麗娟藏
入破櫻丸小吹彈筍甲長悲歡親閱歷出落倍尋常欲
壓龜茲隊羞翻回紇裝支持蓮瓣上宛轉柘枝旁送睽
渾無賴停踪若有望銜簪隨太喜持履喚無方掩袖工
調笑嫌籠柰悚惶鞦韆巾紵亂柏祿麝蘭芳倦恨銅龍
水寒防玉兔霜蛻膏偏晰晰蜨夢總茫茫雜組愁零落
哀絲具抑揚爲雲思楚岫解珮憶江鄉桂闕殊難到藍
橋詎可航束縷三致意寸刻九迴腸抱壁終歸趙塞蘭
合渡湘曲闌成懊惱坐久入微涼待喜宵光暝俄驚曉
色蒼犀簾香皎皎鷄唱已荒荒野岸橫青雀迴波漾綠
蔣羣公詩各就三婦艷難忘與會東山好豪華南路強
桃根何處覓竹葉漫同嘗莫以今時感仍餘舊日狂情
懷揅竟擲少壯已堪傷縱有蓬萊信重遊笑阮郎

過洞庭湖

王仲儒

景州興化

洞庭乘漲過鼓櫂擊空明萬壑分湘水千帆度岳城湖
連天地合濤湧谷谿鳴淼淼看何極茫茫不辨程龍飛
鼎已逝仙去酒難成霜月珠光滿雲霞夜氣生鷓鴣下
曉霧魚鼈戲春晴峰疊碧螺小波翻白練橫羣山搖浪
出遠樹拂煙輕衆派匯爲險禹功疏淪平

暮春遡黃河觀新舊堤

沈煌火文嘉善

襖修上已後柵鼓下邳東蘭葢迎祥日桃花漲好風沙
颺濤屋黑浪沸旭輪紅迅箭驚奔駟其魚感化熊豬身
高廢堞墟脊類飛蓬四境無山阻重關盡水攻蛟翻底
柱險鼉怯呂梁洪如帶穿淮濟襄陵撼岱嵩策傳賈讓
確歌憶漢皇雄竹乏淇園榘薪悲瓠子宮長菱舉帝築

巨石補天工素縞禳災備玄衣藉夢通河宗歆祭貉瀆
長亘垂虹刻玉堯巡邇堤金嬴駕崇曲文儀北斗秩望
邁羣公沉璧渠書合呈圭禹績同千年清可俟九里潤
宜豐槎拂星津裏源窮宿海中黃龍符太尉蒼兕誓元
戎已慶狂瀾弭還虞狹路訂敢裁溝洫志敬告大司空

自瀘溪踰嶺至萍鄉作

胡承諾君信景陵

漸與宜陽遠升高望楚鄉宿雲行靄靄初日照蒼蒼澗
篠充巖隙山花拂路傍雨餘紅蘚淨風過綠蘿香斷壑
聞猿嘯疎林見鳥翔遊人徒寂寞物態正飄揚髮是新
愁變心爲故國傷更憐登陟後飛棹下清湘

陶徑

蔣賓坊穎揆武進

卜築歸西堰躬耕倚墓田
草門淡樹掩草閣曲溪浴傲
植凌霜菊香浮貼水蓮
萬松橫綠野五柳拂青天
出覓桃源叟居畱竹徑賢
家承廉吏後時遇亂兵年
大道應寥落羣情已變遷
四愁甘獨賦三刑許誰憐
野鵬憂誠切沙蟲禍漫延
長貧吾願也半壑可終焉
六月披裘釣三冬嚙雪眠
敝囊懸綠綺朽筥蓄青編
好客慚干木逃名隱魯連
敢辭京兆馬且泛剡溪船
放鶴騰霄翮烹茶和晚煙
此生多不遂吾意豈徒然
日月雖無補文章好共傳
賈生聲重洛郭子譽推燕
才集占星聚鋒戢卜瓦全
我餘雙白眼世守一青氈
國法其如戲官租更似弦
倍輸淮海粟加納水衡錢
世事悲薪積民膏歎火煎
控拳無處是病肺幾時痊
性懶成奇僻身微免厚愆
閉門防鬪虎裹足懼臨淵
坐撫猗蘭操行歌白雪篇
看雲依渚遠待月到湖圓
藉卉呼樵客尋山友鹿仙
乾坤容寄傲何用說逃禪

無題

張仁熙

長人廣濟

彼美美且都名家舊姓盧
歌成梁帝曲身入魏王廬
素瑟嬌河水銀箏艷錦鋪
香屏圍絳樹花枕簇羅敷
二月梅梁燕三秋碧樹烏
珠簾熏寶鴨金屋挂流蘇
舞雪玄裾亂編雲綠髮紆
容華驚侍櫺飛燕乍承稠
珮贈瀟湘玉簫遺翡翠
繻芳醪停琥珀醉帳解茱萸
洛浦波聲邇陽臺雨路迂
新書緘荳蔻舊詠隔薜蘿
馬去啼殘麝鴻

歸怨落梧琵琶紆短恨砧杵憶長途青鳥愁初喚黃姑
懶自呼淒涼團扇月黯淡薊門菰鴛夢狂難歇更沉聽
鷓鴣

飲蘭谿郭氏宗祠看桂

周茂源宿來華亭

邂逅蘭川渚津梁惜我勞主人開上舍客子繫輕舸身
愧周顛隱交非郭解豪過江門第久奕代德音高望族
推羊舌英才覽鳳毛肅賓循廟祐懷古步亭臯白鶴霜
前返祥鳥月下號銀題紛桂樹玉椀泛葡萄坐對清芬
永寧聞屢舞囂淮王淡窈窕吳質擅風騷分詠停華燭
相酬脫佩刀誦詩多述祖禮飲自吾曹

七夕文讌

蔣伊莘田常熟

秋風吹鳳律夜杼罷龍梭遠嶂虹收雨長空鵲蔽河笙
音峰頂鶴鈎月黛中蛾蓬觀籠斜照滄池動夕波蟬聲
出宮樹鴈影落庭蘿雲淨澄霜鏡橋平度玉珂九華銀
燭爛百和紫煙迤露几陳汀芷明珠滴渚河雙星聯月
駕一葉下瓊柯繡箔調箏柱紅筵飾舞羅古囊傾白雪
好句付青娥鉢響驪珠獲弦膠鳳髓和詩成金錯滿酒
泛玉人醜作賦鯨魚掣裁書青鳥過綵繫仙露溼珠篋
墨濤多錦縷成雙度金針貫五紵心期重名教莫唱步
虛歌

訟雪

許延劬仲將武康

雪爾來何處聽余理厥因虛聞資灑氣實見比輕塵眩

色搖銀海飛花亂錦茵入流同漫漶卽潔假鮮新近灼
無堅質聯冰作惡鄰積微成墜折附峻黨嶙峋只妬梅
多韻全欺竹有筠綺窗驕艷妾翠館昵清人哿矣宜豪
貴傷哉奈窶貧吟肩山並聳臥被水生皴晚釣漁簑重
寒機女手龜獨憐行路苦偏值撒空頻已分投泥濘奚
辭犯瘵痠烹茶啣太尉索米愧修仁強逐饑烏啄無勞
細雀嗔悠悠呼上帝一一詰滕神綴景翻爲虐釀豐胡
不均願垂離兩作翹首荷陽春

雙美人圖

徐延壽存永閩縣

宜家更宜室之子詠天天夷旦生當越皇英產自堯東
門歡並出西舍喜相邀解珮疑逢鄭觀書豈讓喬德慙

飛燕掌樊怯小蠻腰非是離魂去常爲拍手招梨雲交
入夢花月盡成妖腕倚誇條脫肩隨賽步搖鴛衾寧獨
抱螺黛肯分描對面遮團扇連枝插翠翹醉酬鸚鵡杓
聲協鳳凰簫草鬪庭中色桑爭陌上條牽紅思結縷拾
翠待連鑣韓椽香偷贈湘靈瑟互調弓鞬依樣製裙帶
一般飄彤管商諸史金釵賭六么合腔歌子夜逐隊樂
春宵膽鏡盟心照丹砂驗臂消共迎桃葉渡齊泛木蘭
橈縑織仍工素瓊枝卽報瑤幽期藏蜨幔訴恨淚鮫綃
角枕俱能薦琴心孰可挑笑迷孫子陣蹤躡尾生橋麻
飯逢劉阮花容勝魏姚偕行供采藻獻頌競傳椒阿妹
同封號狂夫各渡遼瞻星參與昴行雨暮還朝豈忍傷

離別何須歎寂寥臨粧皆見妬顧影更誰嬌寫向丹青裏朱顏總不凋

煙水亭

李天馥湘北永城

新堤堪晚步春色動南湖麗閣千山朗芳洲一水孤人家殘照外野艇斷煙隅練影開明鏡嵐光閃繡圖紅泥飛暝燕綠樹叫晴烏籟韻新篁拂江聲遠岸輪柔條遙泛荇稚笋始抽蘆曲徑雲藏密迴廊月上紆繁英籠綺牖落絮蕩花鋪沙碧遊魚婢姚黃放鼠姑九天懸露屑五夜轉星樞小砌低浮翠危欄側遶朱藤蘿空景綴苔蘚積陰敷乳鴨眠依母羣鳧浴引雛波紋澄縠皺石塢鬱崎嶇壁印零金粉墻痕淨土酥卽茲儼闔宇何處又

蓬壺逸興生逾渺塵囂覺漸逋寒隨時共換境與意相孚泛宅疑茗雪悠然憶釣徒

葦廬小集

同周釜山董且菴諸公

趙潛雙白漳浦

茸城安旅榻野戶對秋嵐岸荻遮溪口沙禽浴舍南花迎高士駕雲護定僧龕雨葉鐘前墮川光閣裏含菊將催九九峰已訂三三訪戴心偏切依劉計弗堪百年愁未遣五字夢常耽有石何難拜無源不欲探鴈高翻落照魚細數清潭稚子煙霜慣山妻稼穡諳一瓊憐舊業四壁嘆空甌草尚能知忍泉猶不可貪思葦如別荔得蟹豈忘蚌物理雖莊叟人情忌魯男山明看隔浦竹暗臥鄰菴坐客多奇想鄉風作雅談雄文誇左馬妙道契

聘曇事到雙眸冷情餘十日酣歌先裁白紵信久斷黃
柑自覺因人懶依然顧影慚乾坤身栩栩江海鬢鬢
幸托風流地漁樵老亦甘

嶽麓書院

蔣景祁京少宜典

典禮尊儒術名山闢講筵一峰垂嶽足別宿麗鶉躔文
曜南離炳雄風聖道甄湘流平似掌嶺勢削成蓮址構
開元代聲隆寶慶年寢楹思闕里圖貌憶尼巔俎豆朱
張次羨墻孔孟先賜書龍鳳展藏碣蜿蜒鑄鼓篋來羣
彥臯比坐上賢縹緗函席徧章掖輻輪闔花影明籤軸
和薰動筦絃執編詳大義問字黜奇玄向閣青藜在融
經絳帳傳卿雲凝楚甸化日亘中天騷雅歸陶冶趨蹌

領折旋景行昭後起繩矩奉初宣越自滄桑易因令教
澤愆生徒殘簡冊金石冷宮縣畫棟緣松鼠苔堦走野
魏禹碑頽蔓棘邕勒竄荒煙絲竹寧終廢匡扶藉有權
七旬干羽格六寓喬雯駢振策攀曦馭臨淡見及泉古
人如可作吾意向誰偏

遊豐臺芍藥花下

程封石門江夏

帝里繁紅藥來遊恰雨天鶴鷓鳴樹下蝦蟇出樽前小
閣陰雲散高朋怒馬聯循籬紆入圃遶水暗通泉織女
難分縷園丁慣鬻錢漫猜鷓舅艷不如鼠姑鮮寶帶圍
猶溼雕闌寵尚懸妖嬌西子粉狼籍貴妃鈿看處千畦
少經過萬畝圓晴鳩呼竹路野犬護花田採折堪持贈

清言不集
葳蕤豈受憐何時宣內勅移種上林邊

遊吼山

方象瑛

渭仁遂安

如何巖壑異疑是五丁餘百尺蛟龍窟千盤須狄居穿
崖舟出沒到閣水縈紆觴咏陶公澤崢泓太史書宕仍
分水旱人可坐樵漁佛屋松聲繞茅齋竹影虛壁懸扶
劍閣潭黑語靈胥突兀雲為石續紛鳥似魚自應呼米
拜能不動唯歎奇絕真如畫還知畫不如

入靈鷲貽願公

毛先舒

稚黃錢塘

不辨空濛處松聲雜雨聲溼雲經屐散飛瀑到池平洞
壑留今古藤蘿半死生高僧談白法童子刷黃精猿倚
江風嘯鷄驚海日鳴我來貪問道翻使重合情

病中偶檢本草因效皮陸藥名詩

何采

敬輿桐城

蚤休饒遠志小草憶茫然雲母屏風坐仙人掌露拳杏
林霏玉屑云室較丹鉛木筆麻黃詔金花菖絳箋牡丹
間作賦芍藥醉成篇去矣槐花地歸與藿麥天兔絲柔
易附虎骨勁逾堅蜥蜴乘雷奮蟾蜍如月圓茱萸彭澤
蓋薏苡伏波船赤石當歸日黃精獨活年綬辭蘇子印
囊澁寄奴錢瓜蒂雖三摘樗根得萬全眼看蕭艾滿性
比桂薑偏斑杖鈎藤直青箱破紙編澤蘭盈在手山藥
大于拳海帶螵蛸集垣衣薜荔塞石膏苔路滑地骨筍
痕穿荷葉珍珠滴松脂琥珀鮮煙塵拂梁上花葢映車
前石蜜蜂房採硃砂鹿角懸龍鱗將欲老蛇蛻亦能仙

橘核園雙奕葫蘆隱一塵從容邀謝屐續斷理陶絃膩
粉紅花蝶兜鈴紫苑鳶燕胎栖葦壘牛膝藉蓬阡鸚喚
檳榔雨鶻啼荳蔻煙菊英分秣畝桃實閱桑田蟬退秋
柯靜蠶僵春葉眠欵冬椒釀酒半夏藕浮泉馬齒頻加
長烏頭且任宣抽身蔓荆裏拔脚蒺藜邊益智翻多累
忘憂也自便紫芝期人道黃檗願逃禪甘遂凌霄意休
教藁本傳

衡嶽志

楊繼經傳人
斬水

混沌何年鑿衡山巨鎮懸秩宗黃帝舊地軸祝融傳紫
蓋盤天柱朱陵嶂石蓮靈臺寶洞出仙館太虛連望日
霞移近餐雲露似前星從銀漢摘河向斗牛旋金簡形
摹怪蚪書篆額顛廟陰眠白鹿藥嫩洗紅泉石燕晨穿
寺潭龍夜聽禪江明千佛碣僧老歷朝年鼓瑟懷湘女
餐砂覓地仙紫梨誰種夏絳闕見飛船塔影傳無縫鐘
痕尚印拳龍蛇秋壁挂鬼物畫圖鑄白社遺經在黃庭
勝蹟堅聖燈珠夜照瓊圃鶴朝騫鶉尾修途阻芙蓉遠
望牽五峰期命駕三歎感遺編

嘉魚潭州寺

彭而述禹峰
鄧州

玄霧初開日春江受穩流酒帘出極浦漁市落新洲風
轉孤蓬角人行古渡頭烏啼空啞啞鳥語自啁啁寺破
袈裟在墻隕薜荔稠遙煙村與合香稻估爭收麈戰猶
存壁飛仙不在樓客心傷羈旅誰與送鄉愁

文游臺紀事

李 滢 鏡月 興化

昔賢游覽地倡和愜天真異代存君子當時擯黨人荒
臺餘悵望名哲厯諮詢落日尋殘碣春風薦白蘋荆榛
一路剪輪奐逾時新齊樹浮遙浦漁舟繫比鄰楚山青
幾點邗水碧無垠稻隴波濤沒漕渠鼓角頻盍簪懷逸
軌弭節見淡仁還向菰蒲外行歌聽負薪

御風亭寒望有懷

李震生 慎菴 江陵

獨眺重關迴空亭落照前市遙筠管細屋淨瓦霜妍臂
鵲名王過巢鳥遠樹聯眾容入渺漠百慮減飛騫貫佩
初堪記搔頭興惘然酒酣微雨後句老亂峰巔身世猶
一盞臨憶昔年層阿書漸少宸極袞重鮮征伐開新

統河山靖几筵劍吞霞外蜃甲散嶺西天會見狂波晏
甘從僻署遭思親雲黯黯夢第草芊芊風急低沙鴈園
荒隔楚川南湖先種柳朔雪未歸田去住無中策安危
倚大賢憑欄何限意杜若冷江邊

午日

熊正笏 元獻 漢陽

中天當地臘鸚鵡蒞嘉辰雲早方憂歲炎蒸已浹旬輕
紈凌伏暑長綵動芳鄰漢水繁華寂蜀山節鉞頻行吟
空有客弔屈竟無人百草香還媚石榴紅正新田文生
亦偶王鳳舉非真競渡初傳楚懷湘又過秦洛蘭無可
共蒲酒但沾唇

餘姚

蔣平階 大閩 華亭

太傅歸田後端居問海籌餘姚虞庶子丞相漢通侯比
屋開新邑重關枕上流一時勞板築百里固金甌萬戶
歌鐘逸千崑睥睨收城形雙壁合橋勢斷虹浮紫陌鷄
人唱青門鶴市留風煙合越郡雨雪洗明州夜瞰魚龍
窟晴看鴈鷺洲吳雲連白馬南斗入牽牛同嶺將飛鳥
蓬山可放舟鶯花當日夢烽火隔年愁水落津亭晚窗
虛洞壑秋披圖論設險清嘯滿江樓

斂性就幽蓬次吳不官韻

紀映鍾伯紫江寧

蓬藁吾生事栖栖類老禪路荒元亮宅名在義熙年山
色堆樵徑天光一秣田拈著離虎尾掘地瘞龍泉心遠
唐虞夢書分內外篇松高懸霽日竹靜約寒煙水鶴窺

魚立霜華近几然詩乞求在野酒濁信為賢小草全生
意低牀得穩眠不知江上客吹過使風船

十日閒坐草堂漫憶昨事

嚴正矩累菴孝感

柔風吹曉日芳景照初陽攜興歸清座臨軒問草堂
蘭垂藥白枳橘綴枝黃酒宿晨分醉萸留昨日香賦成
嗟楚客序定憶滕王閒整孟嘉帽重翻彭澤觴菊花漸
有色蓬餌味何長竹閣凝新露松臺送遠涼蟬鳴淡樹
側鶴倚淥池傍餘韻猶孤適清詩此數行

秋夜瓜洲大觀樓納涼

黃雲仙裳秦州

城上高樓迴江風引夜涼憑虛凌絕巘望遠倚危墻帆
帶殘霞去鴉歸古堞忙晚山含變態衰草得微茫戍卒

擗譙鼓關橋泊水商人閒秋淡漠天暗月蒼黃細火依
沙沒迴潮打岸狂何當生羽翰怕聽說滄桑桓笛聲三
弄吳歌淚幾行登臺千日醉永夜一神傷獨往心偏壯
幽尋與未央明朝攜蠟屐敢擬束歸裝

畱別博菴黎公

陳允衡 伯璣
南昌

桑梓辭前代香茆非昔遊人間看泛宅秋色對芳洲身
世從心隱江山與地幽閒雲朝不散華月夜長畱寂寞
通還往低徊事倡酬屐因疎雨着簾爲晚晴鈎容接瞻
雙眼談言悉九丘酒淡銷旅夢棋緩送譙籌但覺挑燈
數那知逝景悠佛龕終歲靜花徑逐時稠霜欲侵歸鬢
寒先中敝裘別難膺驟語去只伴窮愁慢聽尊前曲輕

移雪裏舟輞川回首處相傍愧沙鷗

贈吳仲舉

顏光祚 佳胤
長洲

世有呂梁險君歸江市尊薜蘿成小隱兄弟共閒園頓
覺乾坤大渾忘烽火存竹溪高過嶺水曲會當門詩罷
靜觀史册來喜滿罇鱗鱗青舫次處處白蘋翻古磴流
雲影疎簾明月痕座圍飛燕舞家識令公恩人見磻溪
暇吾知幽事繁經綸原不假蕭灑更何言密義寒花得
危時瀚海奔筌蹄能自棄羽翮獨高騫却愧臨邛客頻
穿犢鼻禪義無緣狗監情或偶王孫豈敢矜文藻終期
見本根謬慚知伯仲脫略盡寒温自得阮郎興同傷屈
子魂行吟過澤畔仔細與君論

賦得琉球刀

邵長蘅子湘武進

碧眼幽州客攜來日本東錯金番字譯鏤鐵細花籠血
淬猩啼雨光團雪旋空鷓鴣凝繡紫魑魅泣燐紅挂壁
摩挲劇防身撇捩雄風塵未一試每夜氣成虹

送李芳洲督餉潞河

趙賓錦帆陽武

經歲長安道追隨附後塵寧期冰雪日忽作別離人財
賦憐江國度支遣近臣旌旗千樹暗劍佩一時新辭闕
瞻天表饌親脰海鱗舟航東海外祖饒帝城闈蓬聚真
堪笑吾徒且自親典裘沾白墮投轄止朱輪理棹須水
泮歸帆出路濱通州橋上月攜手看垂綸

謁孔林呈衍聖公

薛耳固菴武進

聖德千秋重人心萬國同文孫昭法守天子寵優隆爵
晉羣侯上才兼牧伯功案當堯泰岱琴響舜孤桐佛老
依郊外顏曾編戶中不須三異政永邁百王風少昊墟
今在元公廟昔崇乾坤此瞻仰禮樂自冲融慚媿非吳
札請觀來魯宮一春候鴈北九曲水流東鬱鬱山原氣
峨峨喬木叢奎婁燦分野日月正高空正學懷吾祖承
家在爾躬低徊堂廡下咏歎未終窮

送張方伯入覲

張希良石虹黃安

屏翰尊方嶽臯比擁大儒紫薇清映月粉署靜啼烏體
國貌常瘠憂民髯欲枯六經歸藻鑑七澤在水壺已累
中書考新開王會圖包茅原自楚輯瑞正同虞江漢諸

流合乾坤一氣趨星辰還曳履日月近飛鳧三戶圖應
繪千秋鏡可輸艱難隨拜手清問接傳呼湛露融春宴
金蓮啓曙塗無因隨漢計有分濫齊竿雕篆羞童子丹
黃怯大巫賢臣應有頌不避子淵諛

送翁武原之任黃州

顧景星

赤方崑山

郡數江黃大風傳楚漢雄繇來用武地今日得文翁半
刺翱翔貴分司岳牧同髣髴山砦接寫窰水郵通救盜
情清靜和衷本至忠敢勞錢穀事會見撫綏功大雅諸
儒冠詞壇一代崇風雲隨綵筆謠俗入詩筒驛路楊花
白山谿杜宇紅日歸應不遠于邁試從公

聽松

王

暉丹麓仁

松聲吾所好往往過松溪一徑苔痕滿千年鱗甲齊根
滋羊欲出樹老鶴爭棲謾謾風濤起森森雲影低清音
開日月翠色冷虹霓坐久忘時促心空不世迷孤懷常
獨往有伴亦相攜歌嘯舒巾憤盤桓賴杖藜茂林留鹿
臥絕澗少禽啼樂事還餘興斜陽已向西長思赤松子
何處覓丹梯

賦懷

奚祿詒

蕪嶺黃岡

憶昨姑蘇棹殘官獻歲初烏蠻騰北伐白羽過東廬三
月仙茅嶺千屯金鑊鐸神都嗟廟筭贅壻委溝渠孰免
為魚厄于今汗馬虛親王驕坐鎮赤子憤欷歔痛哭人
何得憂讒淚在余澄江淹五餌故水問三閭中散交情

絕相如病渴居往來年一改喪亂孔千疽栢葉燒殘火
松根坐廢書雍梁諸帝里吳越六朝墟回首繁華冷消
魂歌舞餘霖舟誰上相關塞恐專車煙火家家滅鶯花
處處疎上元休柘鼓前歲沒蟾蜍不識昭陽殿還思趙
婕妤老人頭已白過臘不曾梳

薊門重會顧寧人奉答前詩

李因篤天生富平

臥病三秋色懷人五岳情涼飈吹夢起啄雀喚愁生客
返關中路書傳歷下城倒衣初罷枕垂涕復沾纓巷伯
詩難讀梁園獄已平長吟歸黯澹別緒鬱縱橫憶折前
津柳同炊古寺羹有孚謀且窒無角兆先成遠道兼葭
隔周行坎窞并莒萊矜野語虞芮亂蠅聲欵權江波大

潛揚海汶輕羣疑紛所出眾口漫多驚知勇微夫子艱
危詎此行奮身甘下吏微服耻為氓易象繇斯昉騷歌
比類明經旬喧地坡舉國丐天晴節至通蘋藻愁來憶
弟兄曾要肝膽契况忝雪霜盟草莠虛炎月雲高隱暮
旌罷呼燕市酒盞決薊門程戎角迷丹嶂河陰護綠蘅
崩堤頻淖馬廢塢剩聞鶯水早憂兼劇誅求慘白鳴此
邦哀瑣尾何室厭香橙觸日難俱述驚時已漸更馳聞
瀛隰盡頗喜岱嵐迎膏沐誰遑理壺飧欲就傾畏塗晨
上謁羈邸夜班荆續燭探行笥聯牀敞外楹年華窮不
減日錄老逾精恨失登山約嗟為抱甕貞徘徊違魯賻
邂逅合秦箏閣彷彿滄溟峻泉憐躑突清狂濤終砥柱直

道益崢嶸旅食悲寒及歸舟阻潦盈依然垂橐去率爾
采薪嬰左次才彌拙西還意若醒貧非荒竹徑渴豈慕
金莖急難睽良友端居惕遠征寸心如濩落中夜幾屏
營自得分魚素空教怨鹿苹川原仍獨往伏臘互相衡
甫定他鄉榻俄從上日觥好音隨杖屨佳會足公卿律
轉堅氷解春迴早卉榮斂才期近物逃俗勵修名忽復
追鞭弭還來過帝京每詢邨邑樹欲薦寢園櫻進履耽
逢石將詩悚報瓊雍田關華好為耦待躬耕

望岱

陳維岱

魯望
宜典

冉冉來東國亭亭仰岱宗巍峩青帝時翠律丈人峰
懸巨森千木孤撐更五松危岡環日觀峭壁供雲封嶺
羣相接山靈此獨鍾禪文留漢史祠祭走村農華直嵩
還並齊橫魯復縱分方臨古道作鎮俯高塘螺髻形偏
聳虬枝影自重陰兼晴共幻金與碧俱濃繞策瞻神宇
停驂聽暮鐘曲阿如隱豹大壑似吟龍望裏巖栖築煙
中水碓春攀援知躑躅登躋或惺忪應記能詳述秦碑
可易逢徘徊思著屐慚愧未攜筇

斐園雅集

陸自震

子容
錢塘

天宇晚澄霽西郊樹色濃名園常寄興大雅此相逢
卷幔楊花落開軒怪石重引泉低作澗疊磴迴為峰櫻
熟畱山鳥蘭香釀野蜂新桐堪集鳳短筍未成龍陶令
琴中趣孫登物外蹤脫巾看酒態秉燭話幽悰湖海多
豪

清言不集
士丘樊學老農鷄鳴出難別疎雨和晨鐘

春游

汪文楨 周士休寧

時雨田功好春晴景物佳看花過近里掩卷出幽齋掠
水紅襟燕嘶風白鼻騮柳垂絲不襍草偃色無差載酒
微酣得尋芳始願諧亂離雖未已朋好幸無乖蘭舫催
鳴瑟銅車覓墮釵百年行樂少放浪任形骸

贈沈繹堂前輩

林仲達 姬士侯官

聖代敷文教鴻儒進講筵周廷柱下史漢室席前賢臚
唱花爭艷班聯珮更妍朝翻中祕草晝接御爐煙詞賦
梁園盛餘艸潞水偏持衡觀雅化叱馭戒風愆帝眷咨
良弼臣心台德先詔勤趨供奉拜肅仰承乾扇詠九華

麗牀陳七寶鮮非秋垂露筆復旦慶雲篇寒賜貂成錦
宵歸炬擁蓮墨痕浮鶴眼香篆拂龍涎寵溢鸞鸞隊光
分桃李緣風流名不愧國士望尤專道氣誠雍穆情懷
詎潔蠲都欽和氏璧真羨米家船函注長生籙籌逢半
百年觴當過菊序鶴正舞秋天靜挹西山爽憑臨北斗
懸笙歌徵子夜應是集羣仙

東巡紀事

孫 賜 赤崖常熟

聖代雍熙日宸遊及帝鄉五雲舒鳳藻萬象覲龍光禮
以成功告誠由報本將嚴禋歆二祖時邁繼章皇博覽
民風古遙知世德長堯樽霑虎士禹食徧鵷行賜帛先
糝獨蠲租既一方每因雕輦出競識彩眉揚扶杖傾田

野呼嵩溢路旁恩淡湛露什歌繼大風章講武乘農隙
宣威暨朔荒仙韶雲際落綵仗谷中颺夜散千營月晨
高萬馬霜車徒聲奕奕鳥獸舞蹒跚祝網皇仁沛三驅
神武張有山皆飲羽無騎不穿楊賞賚騰貂錦謳歌接
篚筐止戈占道泰輯瑞會時昌宴鎬符周后橫汾陋漢
王小臣瞻日月稽首頌無疆

春遊

蔣漢紀波澄會稽

尋春偕勝侶攜榼過村家烟綰門前柳雲粧洞口花入
山探白石渡水訊胡麻座壁詩題滿旗亭酒載賒逢僧
還問景瞥艷且停車故故憐芳草行行逐暮霞隔籬聞
吠犬遠樹亂啼鴉薄暮言歸路紅燈簇絳紗

冬夜懷故山

李楷河濱朝邑

細傾寒夜酒還讀舊時書鼓角三更外悲懽萬事餘聲
名看往昔物理想乘除多病霑微祿經心有敝廬梅花
半山閣臘雪一村墟兵火思殘壘煙波狎老漁十年消
戰伐百畝靜耕鋤澗口桃源水溪邊栗里居養親容斗
米欵客足園蔬里社謀歸熟鷄豚託興初近聞長吏好
能使宦情疎冬日暄茅屋春晴御板輿人生須自樂行
矣莫愁予

李侍御星巖謫信宜令

熊飛涓漁賓南昌

去國未愁遠王臣義正同時清勞作宰主眷舊乘驄紫
塞單車日蒼梧萬里風三山歸鉅筆百粵任冥鴻漸喜

聲華絕應知山澤通淮陽臥汲黯杭郡起坡公天意鶯
花外客心杯酒中獨憐簪組近惆悵鳳城東

乏薪

戴

祁小宋
景陵

燧人推禍首鑽火食斯民土簋猶先樸雕盤漸力珍誰
令炊似桂坐使甑生塵宥楮憐餘腐煥山媿比鄰祇教
燒品字焉敢惡勞薪共嚼金齏味分澆石凍春樵風移
晚渡梅雨鬱彌旬對案重太息經營何苦辛

上胡予袞先生

丁

澎
飛濤
仁和

上苑司彤管中臺倚重臣趨朝常聽履入直儼垂紳北
斗開天象東封紀帝巡文章原吏部出納近楓宸牧馬
庭多暇題輿意轉新揮毫珠錯落掄俊玉嶙峋省祕圖

書重天顏密勿親譚經高碣石開閣小平津日射銅池
曉花迎紫禁春作箴懷傅奕著史續崔駟捧日鷄班並
含香雉尾馴殿中多啓沃池上有絲綸紫氣瞻雙闕蒼
生寄一身長陪宣室席每望屬車塵殊錫懸靈壽逢時
異渭濱聖朝看喜起歌頌荅臣鄰

無題次韓偓韻

沈

謙

去矜
錢塘

搗兔將成藥簪犀用碎塵雨淡愁獨夜星沒感蕭晨織
素誰思舊彈琴欲御新高堂逢小婦幽室會羣真夢靨
含微笑愁心映淺顰口中生石闕腹內轉車輪繡被同
青翰瑤書贈赤鱗玉梁抽却月珠閣鎖臨春細管迷京
兆明璫出大秦竹斑湘水曲花隔武陵津芳誓恩彌重

迴文字可珍石華沾袖濕銅黛掃眉勻珠佩懷江女綃盤泣海人自從昏北地誰復望西鄰

雨中大水决隄

王幼華奔走隄上憂勞已甚詩用相寬

孫枝蔚

豹人三原

甲溼潛江縣終朝雨滯淫陽烏常失意神女定何心村有蛟螭橫堂無燕雀臨裘真披五月壺果值千金隄决鄰相報途窮我自尋老看江滾滾愁益病泔泔列子未能學武城良所欽故人百里宰新罷七絃琴但想蠲租詔如聞解愠音箜篌歌易就精衛力難任夢訝波濤驗憂兼簿領淡流離悲赤子佻達憶青衿貧苦原從昔勤勞直至今高才一作吏那得更狂吟

傷春

柴紹炳

虎臣仁和

有客為春愁傷心淚不流風翻花片片日落燕啾啾短髣慵窺鏡沉吟漫倚樓離情吹笛裏歸夢望刀頭錦字懷三歲瓊枝隔十洲所思迷遠道何以慰綢繆

霧中

張綱孫

祖望錢塘

不辨羣峰迴遙連野戍看乾坤氣浩浩江海色漫漫去馬迷淡浦歸鴻阻遠灘平城沙尚凍涿鹿陣餘寒古洞猿長嘯空山豹未餐雲屯帝子石霜護雨師壇廢壘蒼煙暝荒臺白露溥狐狸爭暮道鵬鶚失秋翰一徑楓林落千谿木葉殘吾衰終日醉時墜竹皮冠

西湖落星巖下泛舟避暑

蔣

鏞

玉淵武進

此日陪清讌扁舟入混茫炎風衝短葛暑氣薄迴塘泉

漱參寥院花翻和靖莊避囂南寺遠卜醉裏湖強瓜李
浮沉設芙蓉歷亂香吳儂工水調越女試水裳落石巉
巉下疎星點點傍停橈歡促席合座謾傳觴才子敦槃
席詞名藻繪場交情申白水詩格變河梁繡虎思無敵
長鯨飲莫當公乎雄顧盼走也樂徜徉失路題鸚鵡依
人戀鸚鵡安能饑欲死自是醒而狂弄笛高子野移文
誚德璋仍揮白團扇更摘紫羅囊命駕常因呂論書必
擬王人前呵醉尉客自號中郎盤礴天將暮低徊月正
黃攜燈看浪闊借箸數杯長莫以湖山好都忘夜露涼
興酣過別墅夢適隱匡牀不羨金貂貴無驚毛髮蒼酒
泉如可乞捧甕又何妨

四十述懷

顧涓 伊人太倉

四十未宜老行看已二毛易衰知命蹇經亂覺身勞放
誕曾吞易窮愁或反騷吟壇推北郭飲伴擬東臯閱世
虛強仕違時愧譽髦虺隤憐病馬聚散感驚獐繼述書
倉秘師承學海濤敢云闕影響謬許竊釐毫南國思王
粲西臺記謝翱中懷饒醞藉何處避騰囂舊圃猶題沈
吾廬亦扁陶門遮彭澤柳溪匝武陵桃花氣常侵簞茗
痕欲上袍緇流通梵屨皓叟刺漁舫屏敞羅名畫樽開
奏濁醪難消胃硯磊祇博眼酩酊談劇資捫蝨機忘耻
釣鰲兒應誇驥子婦每誚龍褒有守翻嫌詐無能却類
高好賡招隱曲深巷翳蓬蒿

擬中秋泛湖為雨所阻次夜得見月明感賦

翁介眉武原錢塘

昨是中秋節今宵月始盈
銀河不長沒素魄見餘清
雨後花沾露庭空鴈自鳴
一天搖樹色萬戶動砧聲
處處江河淨重重岱嶽明
鏡懸飛小閣弦滿射孤城
寒徹煙雲外光分草野平
因虛湖上約良夜倍關情

七言排律附

落星巖下泛舟避暑分體各賦

呂祚德錫馨金壇

攢空巨石倚蓮峰絕巘星羅北面重蕩漾輕槎凌碧漢
參差畫閣映丹墉湖雖六月風光到客自三吳忽漫逢
麤糲不嫌當縞帶形骸誰是薄張供西陵松栢應難覓
曲港芙蓉欲往從已過孤亭期放鶴何來少室揖為龍
歛蒸促席連雲袂卓犖開襟對雪胷十里香颺吹坐冷
千山爽氣落杯溶楓江勝友交偏晚蒿徑幽人啓不封
正喜浮鷗忘觸浪驚看牧騎亂歸蹤招提散列諸天出
薜荔斜侵返照濃最是夜闌思弄月子猷乘興度疎鐘

九曲春泛

趙潛雙白漳浦

各家茶熟鬪蘭芳三五人來上野航往日虛名消石籟
近時幽事借春光溪將受月痕先碧水不因花氣自香
我愛峰峰皆道骨君言曲曲是吟腸情知玉女臺前鏡
慣照遊人髮裏霜兩接幔亭緣豈偶洞天收滿一奚囊

水底鴈字

項景襄

眉山仁和

亂響秋砧客路涼滄浪弄羽菊初黃晴川剪拂凌高岸
舊浦經過接遠檣旅夢連宵愁寂寞楚雲昨日渡瀟湘
傳書將去長餐雪飛白招來似帶霜獨樹洲前遮不斷
雙魚冰上看難詳橫天映月元無迹呼伴懷鄉細自商
藻荇開時還見影風波起處未成行谿邊女子低頭讀
一笑文章落杳茫

京邸哭大宗伯覺斯先生

趙賓

錦州陽武

北邙墓草碧芊芊憶舊金臺客淚濺岱華東西交少室
圖書河洛出中天先朝騷雅艱三事夫子文章起八軌
萬里星軺違北極雙龍劍氣照西川牙檣夜泛岷江月
彩筆秋題玉井蓮古道青門勤驛使新詩白雪寄甘泉
賢人合遇龍蛇會吾道偏多藥餌緣涕淚諸王封馬鬣
支離老病卜牛眠堂閒阮氏登山屐門冷揚雲問字船
疇昔蘇門曾侍坐叮嚀蘭若共逃禪蒼茫風鶴宵征日
南北玄黃血戰年橫槊臨營騰駿足洞簫入夜按歌絃
驚濤溟墨摹新漲翠壁開屏畫曉煙自是胷中森武庫
何難塞外勒燕然中興事業渾杯酒老去心期付簡編

十載逢人俱好好五經撐腹獨便便龍門本紀史遷續
逸少蘭亭大令鑄一代詩名傳日本三都紙價貴朝鮮
龍顏天子求遺草虎拜中郎進舊篇白玉樓成須作記
吹笙人去好登仙春風耆社悲司馬夜雨天津泣杜鵑
鶴夢應飛淮水上笛聲故送酒壚前悲來哭向山陽侶
惆悵人間無大還

題畫贈王和陽

宋 琬 玉叔 萊陽

先生金粟後來身生及神宗踐祚辰馴雉曾臨邾子國
杖鳩今見葛天民青山載酒呼碁局溟海浮槎理釣綸
門巷高眠彭澤柳兒童爭識介休巾編成玄草蟲書古
註罷黃庭鶴髮新西塞漁歌時共和東鄰社飲不辭頻

花開金谷園中錦座引香山會裏人老據雕鞍誇鬩鑠
健同碣石鬪嶙峋松風瀟灑陶貞白剡曲徜徉賀季真
樹在謝庭皆玉立詔從魏闕下蒲輪神山掌故燈前閱
試問滄桑幾度塵

桂陽道中紀事

彭而述 禹峰 鄧州

郴州東轉路崎嶇地盡東南楚一隅山出雲根能向背
松生石脇任榮枯千林鞢鞞諸靈過四壁陰森怪物趨
奇羽歸巢驚孔雀腥風過壑駭於菟蒼藤蛟股花鐫臂
老栢龍身甲滿膚積雨苔生侵古路暗泉響細入僧厨
遶迴幾似袴中蝨促刺還如轅下駒雲鑿巒形成柁臼
沙明石子盡樗蒲樹腰蛇徑危如棧竹頂峰房大似壺

途值嗣宗堪下淚夜逢李廣定彎弧羣峰乍逐秦鞭起
天柱全憑鼇背扶王服荒寒窮鬼國帝魂縹緲入蒼梧
貨鹽過嶺時牽犬卽鹿充庖不借虞鐵鼎環煨炊橡栗
瓦盆時復倒屠蘇弩機解禦鄰山寇罽布新交縣吏租
頗似井陘難禦馬耻同白帝更稱孤車書方自連交廣
風土由來匯楚吳窪下車輪能喫雨懸崖瀑布舊噴珠
沉牛頭角堪撩虎竹狸腮髯欲假狐白日鶴鷗常倚母
陰房蝙蝠慣生雛官畫鼓婆娑舞蠻妾羅裳錦繡鋪
落葉蹠躡如亂蜨長林浙瀝響飛颺水成磴磨當村口
稻作衣裳裹樹軀不少金沙稱佛地况多巖壑是仙都
種傳槃瓠攢香火祠重伏波走覲巫羅列兒孫何可辦
掩來肺腑豈相誣一官畱滯嗟南土十載蹉跎笑腐儒
攬轡自遊荆楚地鳴榔幾過洞庭湖初心滅沒仇三徑
往事悲涼憶五株不爲家貧遽賣劍曾因王瑟悞吹竽
人情舊識三危險仕路還同九折紆關內爭傳王景畧
江東竟失管夷吾中郎持節今通蜀宰相行師再渡瀘
地湧流沙開緬甸天連銅柱盡番禺樓船乍可得楊僕
節度還看笑鄭愚萬里烽煙摧瘴癘一朝正朔定訐謨
可知四海爲家日應見百年王會圖

觀繩伎

方夏南民長洲

綵繩冉冉度飛仙羅襪盈盈絕可憐微步渾疑洛水出
纖腰不儘楚宮專青綃約髮飛鬟薄麗錦幫跗側足妍

纔上却蹲舒兩臂幾層接立妥重肩輕身倒挂絲絲柳
著屐交行瓣瓣蓮高處綺羅何婀娜空中珠翠自輕便
忽然欲墜還收得俄爾將翔且退旋走險勢翻如履坦
路危機不異攀緣卽看綵袖隨風舞別有華裾照日鮮
應節攬金積習慣齊聲喝采看場圓下來巧笑斜迎客
轉去微顰獨數錢借問昔誰珍此戲秦陵遺樂已千年

夏五喜雨

孫錫蕃 秦臣黃岡

西風驚定倍生愁念亂移家古渡頭市道有山驅猛虎
舟居無水泛沙鷗相傳星宿天邊落不解黃河塞外流
玉女但鞭能火石木僊曾射亢寧侯忽聽樓上三更雨
欣有人間八月秋霽合奇嵐樓曉樹煙淡回谷易鄉丘

涼生葵扇疑霜信暑過蒲泉識澗幽望歲喜聞蘇子記
謀耕聊慰杞人憂瀟湘一夜雲根聚氣足高寒散九州

雲

王暉 丹麓仁和

孤懷渺渺正愁予何處纖翳點太虛驟隸乍疑生畫棟
飛騰疾似轉輪車千重嶺嶂山難削五色明光錦不如
月暗橫塘花徑鎖鐘鳴古寺竹林疎滄波倒影迷高下
白日常陰費掃除炎帝流漿服後老楚王薦寢夢來初
催詩謾說行將黑撫節悲歌遑未舒回首偏多秋更薄
倚樓長嘯獨躊躇

翁武原之任黃州

黎騫 繡雲清江

五雲春曉緒風輕黃綬新銓別玉京政藉賢臣司雨露

恭膺天子重才名西陵形勝關三楚南服軍容紀百城
楊柳紛披千嶂碧桃花驪裏五蒼瑛寒帷人可當奎壁
望歲羣知有呂卿白雪待添寒碧韻鴻軒還照紫荆榮
喜垂聖澤安荆戶好挽巴江盡洗兵同此燕臺分手意
荊州未識轉冬情

秦中古農部枉過感謝

劉友光魚計液縣

迢迢天半羨朱霞碧映响嘯未有涯湘漲橫流迷杜若
秦風宛在憶蒹葭石渠藜沒三更燄玉簫梅吹五夜花
豈獨含情憐越石更持太息到長沙蓬心未解江湖遠
茅屋還依風雨斜川媚珠明思化雀杯畱弓影更驚蛇
酒酣漫拭三搥鼓春去全荒五色瓜車馬不因門冷落

還來江上聽琵琶

杪秋發虹橋不及待景宣別歸後却簡

毛先舒稚黃錢塘

西陵天末渺予望東道盈盈水一方離亂幾年悲作客
登臨他日况思鄉秋淡落木立蟬靜書到加餐白鴈長
惜別馬頭驚雨雪相逢車下見康莊竹林故態狂難減
蓮社高懷醉不妨滿地煙塵迴首處交情那復在河梁
送許緯蒼之任陵水

李天馥容齋永城

乘春有客度毘耶百粵間關望裏賒故事中朝勞渙汗
新硯南極視桑麻春淡鵬嶺開雲谷日煖龍江俯石華
儋耳蠻煙迷漢境暹羅蜃市隔天涯嵐藏翡翠山容麗
潮擁珊瑚海氣遐古洞氤氳凌碧落芳洲綺縠下琵琶

千林雨霽桃椰葉四野風和橄欖芽紫貝幾程珠岸草
紅藤滿路玉陽花錦帆黎母懸晴霧繡幟陶公拂晚霞
風俗淳成唐佐族林泉僻處子瞻家經年諸美車渠邑
臘月荷香璫珞衙吏隱堂鄰殊不遠看君報最晉青綱
用坡公過新息示鄉人任師中韻 王士祿西樵新城
隱囊紗帽西樵子抱膝長年心似水高節頗希邴曼容
長句稍師杜子美采隱坐臥愛蒼翠偶仕支離厭金紫
望塵僕僕到眼倦哺糟悠悠爲顏泚遲挂衣冠錯莫鑄
却雜髡鉗事尤鄙甘荼如薺能自若對酒當歌亦聊爾
卜居終歸愚谷村弔古還尋滾井里寂寞無妨祇曲肱
洛拓無能便搖尾

